

JOHANE

Johane mamac-ticne zâņene Zebedαιο â neņgoc-ticne Salome. Hahac-ticne zâņene Jakobo. Jaņe Galilaia mâreņko jumbiņ. Hahac qazi mamac-jekic bafickepire Genesarete riqicko qowi rojumbieņ. Johane â Jakobo jahe Johane Miti Opâ fufuņkezi fua tâcneme erao ra jupic. Eme eki juku motecfâcne Jesu jowatume jahe manarâ izia Jesurao rapic (*Johane 1:37–40*). I Judaia mâreņko ekicne. Eme irecnec raku Galilaia mâreņko fisirâ qowi gie mocwâc bahapire Jesu ijaha fisirâ hefârec-jofame jahe mamac-jekic â woke qowi beherâ Jesu bâjâpehuc jupic (*Mareko 3:17*). Johane â hahac-ticne jahe ñic zocne fârone, irec dameņ mocko Jesuzi Samaria ñic jaņerao sambâņkonec zoc mume wahaocte âzâcnepic (*Luka 9:54*). Zoañ mocko neņgoc-jekiczi Jesurao rarâ ziņuc muhuc numucnewec: Juku Wofuņ Sâko fua tâcnezokic dameņ ira manatec ñokâ jahec-nane gâjõņgao ñifec â ñifec ñezepirec (*Mataio 20:20*). Jesuzi motecfâcne Nafe Tiwâ gumec-jopawec ñafe ira Johanezi Jesure maņfuņko ñehuc qizec-ticne Jesure amecko fohorewec (*Johane 13:25*). Râsi jaņe Jesu ropie motec gâcne hâbi gogoroņ ejare-fâreme wisehapie Johane e mocjahazi Jesu bâjâperâ Hanasi ere sacmaņko raziwec, erâ wâc Goligata ferâ Jesure maripoņ maņfuņnao domawec. Domahame Jesuzi neņgoc-ticne Maria hone soņañ ecneocte âzâcnewec (*Johane 19:26*). Jesu

faharewec biñene manarâ Johane e Petorohec gasackerâ zâñerunjo rapic (*Johane 20:34*). Eme juku Jesuzi motec gâcne Genesarete riqicko fuajareme Johane eki hâcne biac zâñitawec (*Johane 21:7*).

Jesu e sambânjo fehame Johane â Petoro jahe babafic erâ miti gie bahuc jupic. Ehuc zoan mocko ñicpuriñ moc taha ufuñ motâcko ñewec e bâniankepic (*Aposolo 3*). Erâ wâc Samaria mârenjo mâmâc rarâ miti murâ numupire ñic ñokac jañerao Mâro wahawec (*Aposolo 8*). Eme Johane eki hâcne Jerusalem haeo Jesure kikefuñ jumbiñ jañere jâcne erâ juwec. Juku Jerusalem hae tuhutac fuame Johane e Efeso haeo rarâ juwec. Ehuc Paulo â Petoro jahe hâmopicte eki Asia mârenj masunao hae sâc miti mamana jumbiñ jañe mamac ejarewec.

Efeso haeo juhame miti ñic ñokac jañe Johane numucnekupie Jesure binañ qârenkewec. Jesure motecfâc gâcne hâmo-fârehapie Johane e buc juhuc miti papia-ticne qârenkewec. Qârenkehuc Mataio â Mareko â Luka jañere dân hâsine i papia-ticnao mi râewec. Aricne, i getâckehuc dân furune gâcne fowec i qârenkewec. Jesuzi mâsi bawec irec binañ ñic gâcnezi qârenkembinte i behehuc, mitidân gâcne murawec i mana wosârâ qârenkewec. Â mâsi â eebapa-ticne gâcne ine moc moc sawa mufuahuc ira iticnerâ Jesure mickonec dân hukicne birine birine zuhuckewec. Ñafeo roninte dameñne maickeme Jesuzi motecfâcne mâtoc-jopahuc unđân â miriñdân jazawec i â dân gâcne gâcne i Johanezi

qârenke-fârewec. Johanezi Jesure Biñebian qârenkeme hatane moc fuawec irec fuñe e jahac mufuakac, kecziñuc: “Qârenkekicne mac keczi ine ziñucte qârenkekicne: Ñoñe wose manac erâ Jesu e Kristo, Anuture Nokâ, dâñ i mana zakienzepien, erâ e jahacne manasiñkehuc zâñe biñe-ticnere erâ juju sanañhec enzepien” (*Johane 20:31*).

Papia mañnao dâñ neñgocne birine birine râe rakicne ine kecziñuc:

Gay 1:1–18. Jesu e Anuture Micdânzi mârenko sahad biuhuc fuawec. Dâñ izi papia-ticnere mumuzâwe dâñ ekac.

Gay 1:19–51. Johane Miti Opâ fufunkezi gie-ticne funkehuc Jesure fuñe mutaniñkewec. Â Jesu e funkerâ motecfâcne rocjopahuc fune-ticne jazawec.

Gay 2—12. Jesu e gie-ticne bahuc â miti muhuc Wofun eri tatamac-ticnere fune bataniñkewec.

Gay 13—17. Jesu e motecfâcne mâzoc-jopahuc sambân tatamac-ticnere fune mufua-jarehuc sambân hata jaza jowatuc ewec.

Gay 18—19. Jesu zâic mamana â hâmoc-ticnere binañ.

Gay 20—21. Jesu e hâmockonec faharerâ motecfâcne fua-jarewec irec binañ gâcne.

Jesu e Anuture Micdân

¹ Micdân e funnao funkerâ juwarehuc juwec. Erâ Micdân e juju-ticne Anuturafoha juhuc juwec. Erâ Micdân e Anutu jaha wâc juwec. ² E

hâcne fuɲnao Anutuhec jurâ juwarewec. ³ Erâ Micdâɲ e Anuture me wâc ehuc wiac sasawa bâfua-fârewec, â wiac fuawec i e tâmiric moc mi fuawec. ⁴ Erâ juju irec rune erâ juwec. Â juju-ticnezi ɲic tamae-jarewec. ⁵ Eme tatamaczi dapâcko tamaeme dapâczi gurin̄keocte eipiewec.

Nic jaɲe Jesu âgo sâcne mi ecnembiɲ

⁶ ɲic moc fuarâ juwec zâɲene Johane. ⁷ Eki tata-macte biɲedâɲ mufuame ɲic mâmâc sasawa jaɲe tatamac rune manasiɲkeniɲte Anutuzi sorewec. ⁸ Johane e jahacne tatamac rune mi juwec, e mâc tatamac runere biɲe muwec. ⁹ Tatamac rune ɲic mâreɲ sâc batamaec-jopaekac, eki hâcne dameɲ ira mâreɲko fuarâ juwec. ¹⁰ E mâreɲko fufua i fuawec, erâ i sawa mâcne, mâreɲ i ekizia wâc bâfuawec, eme waharâ fuame mâreɲkonec ɲic jaɲe e sifu mi zâɲitambiɲ. ¹¹ E jahacne me hofao fisihame gurufâc-ticne jaɲe âgo mi ecnembiɲ. ¹² Â âgo ecnembiɲ jaɲe ine Anuture naru motecfâc eniɲte hata bâfua-jarewec, i zâɲe-ticne mana maɲ eɲgopiɲ jaɲe hâcne iɲuc ejareekac. ¹³ Jaɲe soc biucte hatao mi fuambiɲ, erâ ɲic mumupaɲte wâc mâcne, jaɲe Anuturaonec fuambiɲ.

¹⁴ Eme Micdâɲ e sa hac biuchec fuarâ ɲonden-nâɲecko ɲeɲe juju ewec. Eme nâɲe Wofuɲ qâreɲ-ticne honepene Mamacte ɲokâ jâmbâɲ mocjaha ere Wofuɲ qâreɲ ewec hâcne. E aki

1:2: Muq 8:22 **1:3:** Kol 1:16, 17; Heb 1:2 **1:4:** Joh 5:26

1:5: Joh 3:19 **1:6:** Luk 1:13–17, 57–80; Mat 3:1; Mar 1:4 **1:7:** Luk 3:3 **1:8:** Joh 1:20 **1:10:** Joh 1:3–5 **1:12:** Gal 3:26

1:13: Joh 3:5, 6

anonoc kadahe â dân fâri qizecne bawahawec.
¹⁵ Fuņne-ticne ine Johanezi mutaniņkerâ hahanęne bahuc kecziņuc muwec: “No ere hâcne ŋazapo, zâhec warekac e bâbâni juwec, eki no mi fuahape juwarehuc juwec hâcne.” ¹⁶ Nâņe sasawa ere rowaņkonec miti kadahe rorâ ro ehuc jumbleņ.
¹⁷ Mose e sâcmutâc dân nârewec, â Jesu Kristo eki ine aki anonoc â dân fâri qizecne tahac-nâpowec.
¹⁸ Anutu e ŋic moczi moc mi honewec, Ŋokâ jâmbâņ mocjaha, Mamacte bufuņko juekaczi ine biņe-ticne bawaharâ mufua-nârewec.

Johane Miti Opâ fufuņke ere dân
(Mat 3:1–12; Mar 1:7–8; Luk 3:15–17)

¹⁹ Jerusalem haeonec Judaniņ jaņe taha bapa â taha ufuņte kiņaņņic sorec-jopapie Johanerao rarâ, go mo ŋic mo, muhuc wiocnepie fuņne-ticne jazawec. ²⁰ E fuņne-ticne mi hesoņkehuc mutaniņkerâ kecziņuc jazawec: “No Kristo aricne.”
²¹ Mume jaņe harierâ wiocnemiņ, “Eme go mo, go Elia me?” Eme muwec, “No e aricne.” Eme mumiņ, “Go porofete-nâņec me?” Mupie muwec, “Aricne.” ²² Eme jaņe mumiņ: “Wiac go mo? Sorec-nâpopie warembeneņ, ra weniņuc jazanaņmu? Go gahacnere weniņuc muekic?”
²³ Eme jazarâ muwec: “Porofete Jesajazi mu qâreņ ewec, i norao sanaņkekac. No biņe mumu

1:14: Jes 7:14; Pet II 1:16, 17; Jes 60:1; Luk 9:32 **1:15:** Joh 1:27, 30; Mat 3:11 **1:16:** Joh 3:34; Kol 1:19 **1:17:** Rom 6:14; 10:4; Wah 34:6; Mi Mâ 25:10; 40:10; 85:10 **1:18:** Joh 6:46; Joh I 4:12; Mat 11:27; Luk 10:22; Tim I 6:16 **1:19:** Luk 3:15, 16 **1:20:** Apo 13:25 **1:21:** Mat 17:10; Sâc 18:15; Joh 6:14; 7:49

ņic, mârēņ tuhuo juhuc kecziņuc muekopac: ‘Wofunġe hata bâžâweniņ.’” ²⁴ Ņic Johanerao fisimbiņ i jaņe farisaio jaņere guruonec. ²⁵ Irec mocwâc indiņkerâ mumbiņ: “Go Kristo aricne, â Elia aricne, â porofete aricne, eme wemocte ñic Miti Opâ rua-jareekic?” ²⁶ Mupie Johanezi ziņuc jazawec: “Noni ñic opâ sawa rua-jareekopac, â ņondeņ-ņeņicko moc fuawec jukac, ņoņe e mi hone taraeņgopieņ, ²⁷ eki hâcne râpefuņ-naneo warehuc jukac, e sâko no iņucne maczi mafahe decnepe mi sâckeocmu.” ²⁸ Wiac i Betania haeo Jordaņ ocnîucnao fuawec. Ira hâcne Johanezi juhuc ñic Miti Opâ rua-jarewec.

Johanezi Jesure fuņne jazawec

²⁹ Hae fureme Jesuzi Johanerao rame taicko honerâ ñic ziņuc jazawec: “Honeniņ, kecocni Anuturre lama, eki mârēņ sâc ñic sâqocne-jeņic fainao feme âsickekac. ³⁰ Ere hâcne kecziņuc ņazapo: ‘Žâhec warekac, e bâbâni juwec, eki no mi fuahape juwarewec.’” ³¹ No nahac mârâc e mi hone tarapo. Israe ñic ņoņe biņe-ticne ņazape mananiņte hâcne fisirâ Miti Opâ fuņkepo.” ³² Johane e iņuc murâ muwec: “No Mârôzi hapâ hawario sambâņkonec waharâ fai-ticnao herâ ņeme honepo. ³³ No nahac mârâc mi hone tarahape Miti Opâre munareweczi ziņuc nazawec: ‘Mârô waharâ fai-ticnao herâ ņeme

1:23: Jes 40:3; Mat 3:3; Mar 1:3; Luk 3:4 **1:25:** Mat 21:25

1:26: Mat 3:11; Mar 1:7, 8 **1:27:** Joh 3:26; Apo 13:25 **1:28:**

Mat 3:6, 13 **1:29:** Joh 1:36; Jes 53:7 **1:30:** Joh 15:27 **1:32:**

Mat 3:16; Mar 1:10; Luk 3:22

honecmu eki ñic Tiri Mâro rua-jareocmu.’ ³⁴ No i hâcne honepore fuñne-ticne kecziñuc mupo: ‘Eki hâcne Anuture Ñokâ.’ ”

Nic tucne jañe Jesu bâfuambin

³⁵ Hae fureme Johane erâ motecfâcne jañeraonec jajahec mâreñ ijaha domambin. ³⁶ Domahapie Jesu e ijaha fotâcneme honerâ motec jasarâ muwec: “Honenic, Anuture lama kecocni.” ³⁷ Mume jahe dâñ i manarâ Jesure râpefuñko rapic. ³⁸ Rapire Jesuzi forisierâ honec-jofarâ muwec: “Nohe wemocte warekopirec?” Eme jahe mupic: “Rabi (nâñâcne dâñko: Qaqazu), go fic wena jukomec?” ³⁹ Eme ziñuc jasawec: “Ware honenic.” Mume jahe bâjâperâ fic honerâ zoañ gie bapa ira juweckoa jupic. I zoañ otewezo eha inuc epic. ⁴⁰ Johanere dâñ manarâ Jesu bâjâpetic moc zâñene Anderea, Simoñ Petoro qaticne. ⁴¹ Eme eki biac hahac-ticne Simoñ bâfuarâ ziñuc âzâcnewec: “Nâhe Mesia (Kristo hâcne) bâfuakoperec.” ⁴² Inuc murâ Jesurao jowame rapic. Eme Jesuzi honerâ muwec: “Go Simoñ, Johanere ñokâ, gore zâñe Kefa mukopac” (nâñâcne dâñko: Haroñañ).

⁴³ Hae fureme Jesu e Galilaia mâreñko raocte zawierâ Filipo bâfuarâ âzâcnewec, “Go bâjâpecnuc.” ⁴⁴ Filipo e Besaida haonec, Anderea â Petoro jahe hae irectean. ⁴⁵ Eme Filipozi Natanae bâfuarâ ziñuc âzâcnewec:

1:33: Luk 3:2; Mat 3:16 **1:34:** Mat 3:17 **1:36:** Joh 1:29; Jes 53:7 **1:40:** Mat 4:18–22 **1:41:** Sam I 2:10; Mi Mâ 2:2
1:42: Mat 16:18; Mar 3:16 **1:43:** Mat 8:22; Mar 2:14

“Mose e sâcmutâc dâŋqâhâcko findaŋdâŋ-ticne qârenkewec, â porofete jaŋe wâc qârenkembîŋ, ŋic e hâcne bâfuaŋgopenen, Jesu, Josefere ŋokâ, Nazarete haeonec.”⁴⁶ Eme Natanaezi dâŋ ziŋuc bâtikiecnawec: “Nazarete haeonec wemo wiac bipinehec fuaocmu?” Mume Filipinozi ziŋuc âzâcnewec: “Murâ ware honec.”⁴⁷ Eme Natanaezi Jesurao ra fisime honerâ muwec, “Honenîŋ, ŋic kecizi Israe ŋic fârîne, maŋticnao sioc moc mi fokac.”⁴⁸ Inuc mume Natanaezi wiocnerâ muwec: “Go wena jupe honecnumen?” Eme Jesuzi muwec, “Filipozi mi hefârecguhame nemuja fuŋko ŋetec honecgupac.”⁴⁹ Mume Natanaezi ziŋuc âzâcnewec: “Qaqazu, go jâmbomac Anuture Ŋokâ, Israe ŋic nâŋere ŋicwofuŋ.”⁵⁰ Eme Jesuzi muwec: “Nemuja fuŋko ŋemec i mufua-garepe manasiŋnukomec, manakic, hone manac ekomec zi susucne sawa, fâri ombâŋne miŋecnea hone manac erahuc jucmu.”⁵¹ Inuc murâ muwec, “No jâmbomac jâmbânŋ ŋazape: Ŋoŋe sambânŋ aŋkeme Anuture aŋelofâc jaŋe Ŋic Fâri Wâtunŋe erao fec wahac epie honec-jopaniŋmu.”

2

Jesuzi mume opâzi waiŋ ewec

¹ Gie bapa jajahec tarame Kana haeo Galilaia mârenko ŋic ŋokac jajahec muturec-jofaniŋte

1:45: Sâc 18:18; Jes 7:14; 53:2; Jer 23:5; Ezek 34:23 **1:46:** Joh 7:41, 52 **1:47:** Mi Mâ 32:2; 73:1; Fuf 25:27 **1:49:** Sam II 7:14; Joh 6:69; Mi Mâ 2:7; Mat 14:33; 16:16 **1:51:** Fuf 28:12; Mat 4:11; Mar 1:13

irec tiwâ bâzi qapie fisiwec. ² Ehuc Jesu neŋgoc-ticne erâ e jahacne â motecfâc-ticne mâmâc hefârec-jopapie fisimbiŋ. ³ Eme tumaŋnerâ bâzihec waiŋ nâpie zickeme Jesu neŋgoc-ticnezi e âzâcnerâ muwec: “Waiŋ-jeŋic omaekac.” ⁴ Mume Jesuzi ziŋuc âzâcnewec: “Ŋokac, i nâhâcne wiac me? Damaŋ-nane miŋecnea maickeocmu.” ⁵ Eme neŋgoc-ticnezi kiŋaŋ qaqa ziŋuc jazawec: “Wiac mocte ŋazame enzepieŋ.” ⁶ Eme fic ira opâ pake 6 ŋewec. Judaŋic jaŋe me sahaç-jeŋic gâbâ zure jumbieŋte fic sâc opâ pake iŋuc ŋerawec. Pake i piticne mâcne, kâcçene sâko. ⁷ Eme Jesuzi kiŋaŋ qaqa ziŋuc jazawec: “Ŋoŋe opâ fiarâ pakeo qapie huoc.” Eme jaŋe iŋuc erâ opâ qapie hurâ pake micnao qafârewec. ⁸ Iŋuc epie ziŋuc jazawec: “Ŋoŋe tucne fiarâ nânâ soŋaŋtao baraniŋ.” ⁹ Eme jaŋe fiarâ barahapie opâzi waiŋ eme nânâ soŋaŋzi nâhonerâ kâuc bawec. Kiŋaŋ motec opâ fiarâ pakeo qapie huwec jaŋe sawazi waiŋte fuŋne mana tarambiŋ. Eme nânâ soŋaŋzi ŋic ŋokac bawec, e hefârerâ ¹⁰ ziŋuc âzâcnewec: “Qanaŋ waiŋ aŋacne gumec-jopapene nâkupie manjeŋic bibiriwazo eme zâhec waiŋ oomane gumec-jopaençopenenç, hata-nâŋec iŋuc fokac. Go ine qac qâtikic ehuc aŋacne hefacketec ŋeku zâhec fuakac.”

¹¹ Jesu e Kana haeo Galilaia mâreŋko ira hâcne mâsi bapa gie-ticne fuŋkehuc Wofuŋ qâreŋ-ticnere foŋ bararuŋkewec. Eme motecfâcne jaŋe i

honerâ e manasiŋkembiŋ.

Jesu e taha ufuŋ furu muwec

(Mat 21:12–13; Mar 11:15–18; Luk 19:45–46)

¹² Eme Jesu e Kana haeonec Kafanaum haeo rame nenŋoc qafâc-ticne â motecfâc-ticne mâmâc bâjâperâ rafârembiŋ. Eme ira boc mi jumbiŋ.

¹³ Judaŋic aakic hombaŋ-jeŋic bembenŋkewecte Jesuzi Jerusalem haeo rafewec. ¹⁴ Eme taha ufuŋ zuhucnao lama bulimakao â hapâ wiac badomahuc narenŋ gareŋ embiŋ, ehuc irec monenŋ teboo wose biric embiŋ.

¹⁵ Inŋuc epie Jesuzi honec-joparâ repa mizeme zika eme ŋic mecne lama bulimakao mecne jâpec-jopame wisepie monenŋ tie-jarerâ irec tebo herândiŋkewec. ¹⁶ Erâ hapâ badomambiŋ jaŋe ziŋuc jazawec: “Ŋone Mamac-nanere ficko wiac kosa mi epie situâc fic ezejec.”

¹⁷ Jesu e inŋuc eme motecfâcne jaŋe miti papiao dânqârenŋ kecziŋuc fokac irec manasumbiŋ: “Gore ficte erâ bunane zoc zarâ zâfitacnukac.”

¹⁸ Eme Judaŋic jaŋe wiocnerâ mumbiŋ: “Go inŋuc ekomeczi wemo mâsi moc bahuc fuŋnege bataniŋke-nârecmu?”

¹⁹ Eme mic-jeŋicko rorâ ziŋuc jazawec: “Ŋone taha ufuŋ keczi heropiepie noni zoaŋ jahec â moc eha mocwâc bâzickepemu.”

²⁰ Inŋuc muhuc jazame mumbiŋ, “Kâcqenefâc-nâŋec jaŋe taha ufuŋ zi jara 46 baku bâzickembiŋ, eme goki zoaŋ jahec â moc sawa ira bâzickezo mukomec me?”

²¹ Jesu eki ine sahaç-ticnere ufuŋko qetickehuc muwec.

2:11: Joh 1:14; 11:40 **2:12:** Joh 7:3; Mat 4:13 **2:16:** Luk 2:49 **2:17:** Mi Mâ 69:9 **2:18:** Mat 21:23; Joh 3:2 **2:19:** Mat 26:61; 27:40 **2:21:** Kor I 6:19

²² Juku hâmockonec qârêrâ fahareme motecfâcne jaņe dâņ i manasumbiņ. Ehuc ufuņte muwec, â miti papiao ere dâņ gâcne mukicne, irec mâmâc manapie fârine eha mana zakiemiņ.

²³ Jesu e aakic hombaņko Jerusalem haeo juhuc fuņne qaqa mâsi bame ñic bocjahazi honerâ zâņe-ticne mana sakac embiņ. ²⁴ Jesu e jahac ine ñic hone tarac-jopa-fârewecte jaņerao mi fohorewec. ²⁵ E ñic mocte fuņne manaocte gâcne mu indiņ mi ejarewec, e jahaczia ñic maņjenic hone zâņitac ejare-fârewec.

3

Nikodemo ere binaņ

¹ Farisaio ñic jaņere âgo moc juwec zâņene Nikodemo. E Judaņic jaņere micne sâko wâc juwec. ² Ñic eki hâcne Jesu ñafeo iqickerâ ziņuc âzâcnewec: “Qaqazu, nâņe fuņnege manaenģopeneņ, go qaqazu fârinezi Anuturaonec wahameņ, go mâsi baekic i ñic moczi Anutu tâmiric juhuc bapane mi ekac.” ³ Mume Jesuzi ziņuc âzâcnewec: “No jâmbomac jâmbâņ gazape: Moc e harierâ fufua qâricne mi fuaocmuzi Anuture uucmaņ sâcne mi bâfuaocmu.” ⁴ Eme Nikodemozi muwec, “Hâc, moc e kâcqeņkekiecnezi fufua qâricne weniuņuc fuaocmu, wemocko neņgoc bumaņko mocwâc hume hâsine roocmu?” ⁵ Mume Jesuzi ziņuc âzâcnewec: “No jâmbomac jâmbâņ gazape: Moc e Opâ â Mârore kiwecko qâricne

mi fuakicnezi Anuture uucmanko sâcne mi raziocmu. ⁶ Nïckiwecko fuakicnezi ñic hawari jaha, Mârore kiwecko fuakicnezi Mârore hawari jaha. ⁷ Nõñe fufua qâricne fuanĩte mupe go manatec mi qunkeoc. ⁸ Mânân e kosa qaekac, eme go fânân-ticne i manaekic, â fuñne wenirec fuñkerâ wareekac, â wena ratarækac, ine mi manaekic. Eme moc e Mârore kiwecko fuakicne, e fuñne-ticne inucnea fokac.” ⁹ Mume Nikodemozi dân zĩñuc bătikiecnewec: “I wenĩñuc erâ inuc ezo?” ¹⁰ Mume Jesuzi zĩñuc âzâcnewec: “Go Israe ñic jañere qaqazuzi irec kâuc bakomec me? ¹¹ No jâmbomac jâmbân gazape: Nânẽ wiac hone manac eenngopenen ijaha ñaza mutâc eenngopenen, eme ñõñe ine dânñânec qikinneenngopien. ¹² Wiac mârenko fufuane irec mac ñazape sifu mi mana zakieenngopien, eme wiac sambânko fufuane irec ñazape wemo-ñenĩczi mana zakienĩñmu? ¹³ Nĩc moczi sambânko moc mi fewec, Nĩc Fâri Wâtunne, sambânkonec wahawec, e mocjahazi sambânko wâc juekac.

¹⁴ “Mose e mârâc jaha mâren sawao homa bâfennewec, inuc jaha Nĩc Fâri Wâtunne e bâfennezo mukicne. ¹⁵ Eme e manasinkenĩñmu jañe juju sanan bâfuanĩñmu. ¹⁶ Anutu e ñic ñõñere mo inucne ecnewecte Nøkâ jâmbân-ticne mocjaha e râe qikin ecnewec. Eme e manasinkenĩñmu jañe moc mi sipirickehuc juju sanan

3:5: Ezek 36:25–27; Efe 5:26; Tit 3:5 **3:6:** Joh 1:13; Fuf 5:3; Mi Mâ 51:5 **3:8:** Mar 4:41; Mi Mu 11:5 **3:11:** Joh 7:16; 8:26, 28; 12:49 **3:12:** Luk 22:67 **3:13:** Muq 30:4; Efe 4:9 **3:14:** 3ar 21:8, 9

bâfuanîm. ¹⁷ Nôkâ e ñic jañere kiñ bataraocte mâcne, ñic bâpian-jopaocte Anutuzi soreme wahawec. ¹⁸ Moc e Nôkâ manasiñkekaczi okacnere biñe mi ekac. Â moc e Nôkâ mi manasiñkekaczi ine biac okacnere biñe ekac. Wemocte? E Anuture Nôkâ jâmbân mocjaha ere zâñe mana mañ mi ekac irec. ¹⁹ Okacnere fuñne zîñuc fokac: Tatamaczi ñic maic-jopame jañe tatamac bâsuerâ dapâcte wosâembiñ, juju bapa-jenîc sâqocnere iñuc hâcne embiñ. ²⁰ Moc e sindañ eocmuzi tatamac râpeckeocmu, juju bapa-ticnere fuñne jañgeñkezacte wemocko tatamacko fua taniñ eocmu. ²¹ Moc e dân fâri qizecne reñkeocmuzi ine tatamac maickeocmu, eme eebapa-ticne Anuture micdânñe sâcko ekicne irec fuñne taniñkeocmu.”

Johanezi Jesure fuñne mutaniñkewec

²² Eme juku Jesu e motecfâcne rocjopame Jerusalem hae beherâ Judaia qañeñnaopec ra jumbiñ. Ira jañehac juhuc ñic opâ rua-jarewec. ²³ Johane e mâreñ moc zâñene Ainoñ, Salim haeopec juhuc iñuc jaha Miti Opâ gie bawec, ira opâ bocjaha fowecte ñic jañe fisipie rua-jarewec. ²⁴ Johane e damenñ ira kâpâcwâru ficko mi râekicne.

²⁵ Eme Judaniñ moczi Johane motecfâc-ticne jañehac opâ ruruare mu qaqatarac embiñ. ²⁶ Eme motec jañe Johanerao rarâ zîñuc âzâcnembiñ: “Qaqazu, go Jordan ocnîñucnao juhantecne ñic

3:16: Rom 5:8; 8:32; Joh I 4:9 **3:17:** Joh 5:22; 12:47; Luk 19:10; Apo 17:31 **3:18:** Joh 3:36; 5:24 **3:19:** Joh 1:5, 9–11; 12:48
3:20: Efe 5:13 **3:22:** Joh 4:1, 2 **3:23:** Mat 4:12 **3:24:** Mat 14:3

moc bâfuacgume fuņne-ticne mujanņerâ
 nâzâmeņ, eki dameņ ziņuczia ņic opâ rua-
 jareme erao rafâreņgopieņ.” ²⁷ Mupie Johanezi
 ziņuc jazawec: “Ņic moc e sambâņ runezi
 wiac râcne tahac mi ehame e jahac wemocko
 kâņgâc roocmu. ²⁸ No kecziņuc muhuc ņazapo i
 wemocko mickeniņmu, ‘No Kristo aricne, no biņe
 mumu-ticne sawa.’ ²⁹ Ņokac biņe mucnekicne
 eki hâcne ņokac rune. Eme ņokac bahuc zeri
 kâcņene zeri eme âgo-ticnezi manarâ bafickehuc
 bubiaņ sâko bâfuaocmu wâc. Bubiaņ i hâcne
 manapemurâ dameņne maickekac zi. ³⁰ Eki fua
 fehame noni pitiwazepac. ³¹ Faicnec wahaweczi
 gâhuc-nâpo-fârekac. Moc e mâreņkonec
 fuakicnezi mâreņte biņe ekac â mâreņkopec
 dâņ muekac. Â sambâņkonec wahaweczi ine
 gâhuc-nâpo-fârekac. ³² Eki wiac hone manac
 ewec irec dâņ biņe muekac. Mume ine ņic jaņe
 dâņticne qikiņneņgopieņ. ³³ Â dâņticne mana
 maņ ekac e Anutu mume sasanaņ jukac dâņ i
 dopeckekac. ³⁴ Anutuzi ņic sorewec eki Anuture
 dâņ jaha muekac. Ņic iņucne e Anutuzi Mâro sâc
 tâmiric qikiņnecneekac. ³⁵ Mamac e Ņokâ hone
 ririņkehuc ere meo wiac sasawa râe-fârewec.
³⁶ Moc e Ņokâ manasiņkeocmu e juju sanaņ
 ziņuczia fuacnekac, â moc e Ņokâre dâņ bâsuehuc
 juocmuzi juju sanaņ mi bâfuaocmu. Iņucnere
 faio Anuture kimbeņ feweczi foocmu.”

3:26: Joh 1:26–34 **3:27:** Heb 5:4 **3:28:** Joh 1:20, 23, 27;
 Mar 1:2; Mat 11:10 **3:29:** Mat 9:15; 22:2 **3:30:** Sam II 3:1
3:31: Joh 8:23 **3:32:** Joh 3:11 **3:34:** Joh 1:33, 34 **3:35:**
 Joh 5:20; 17:2; Mat 11:27 **3:36:** Joh 3:18; Luk 3:7; Joh I 5:12

4

Jesu e Samaria mârenkonec ñokac moc dân âzâcnewec

¹ Farisaio jañe Jesure zĩñuc manambĩñ: “Eki motec rocjoparâ opâ rua-jareekac, i Johanere gurufâc jowaruñgopieñ.” ² Dân i mâc mumbĩñ, Jesu e jahac ñic opâ mi rua-jarewec, motec jañe mume rua-jarembĩñ. ³ Eme Wofuñzi dân iñucne manarâ Judaia mâreñ beherâ Galilaia mâreñko risie rawec. ⁴ Rahuc Samaria mâreñ fotâcnewec. ⁵ Fotâcnehuc Samariare hae moc zâñene Sika ira fisiwec. Hae i Jakobozi ñokâ-ticne Josefe mâreñ qikiñnecnewec irec mendâñko ñewec. ⁶ Eme ijaha Jakobore opâ nombâñ fowec wâc. Eme Jesu e ira guñpiticko fisirâ betañkerâ nombâñmecko waha ñemanawec.

⁷ Ñehame Samaria ñokac moczi opâ fiaocte fisiwec. Fisime Jesuzi zĩñuc âzâcnewec: “Go opâ moc gumecnuc.” ⁸ Motecfâcne jañe nânâ furine baniñte haeo fehapie Jesu buc ñehuc ñokac opâre âzâcnewec. ⁹ Âzâcneme ñokac e muwec, “Go Judañiczi wenĩñuc erâ Samaria ñokac no-rao opâre mukic?” Judañic â Samaria ñic jañe bâtâcko jujumbieñte ñokac e iñuc muwec. ¹⁰ Eme Jesuzi zĩñuc âzâcnewec: “Go Anutu jauñ-ticnere fuñne â opâre gazakopac nore fuñne mâmâc kâuc bakic. Mana tararâ muzac numu-naretec opâ fifisine gazezapo.” ¹¹ Mume ñokaczi zĩñuc âzâcnewec: “Bomboñ, opâ nombâñ i zoricne, erâ go opâ fifiage aricnere opâ fifisine wenirec

4:1: Joh 3:22, 26
Fuf 48:22; Jos 24:32

4:2: Kor I 1:17

4:9: Luk 9:53

4:4: Luk 9:52

4:10: Joh 7:38, 39

4:5:

fiacmu? ¹² Mimiņne-nâņec Jakobo e opâ nombân zi rowec. Erâ e jahacne â ñokâfâcne â lama bu-limakaofâc-ticne jaņe opâ zi jaha nâhuc jumbiņ. Goki Jakobore sâc i jâuruhuc opâ moc bâfuacmu?”

¹³ Iņuc mume Jesuzi ziņuc âzâcnewec: “Opâ zi gapecne tâmiric, irec i hati nârâ nâ ehuc juzo,

¹⁴ â nore opâ ine gapecnehec, moc e i nâocmu, e opâre mocwâc mi hâmhuc mâc jurazihuc juocmu. Noni opâ i ñic moc râcnepe maņticnao opâ zâņe bâfuacneme juju sananțe zâkânko rahuc domaocmu.” ¹⁵ Mume ñokaczi ziņuc muwec: “Bombon, go opâ i naretec nârâ opâre mocwâc mi hâmozepac, ehuc zira gâbâ ware fiahuc domaekopac i behezepac.”

¹⁶ Iņuc mume Jesuzi ziņuc âzâcnewec: “Ra ñowege jowatec warenic.” ¹⁷ Eme ñokaczi muwec,

“No ñowe-nane aricne.” Mume Jesuzi muwec, “Go ñowege aricne, i sâcne mukomec; ¹⁸ go ñic memoc ba behec ejaremeņ, â ziņuczia bakomec e gore ñowe aricne, irec go dâņ jâmbomac mukomec.”

¹⁹ Mume ñokaczi ziņuc âzâcnewec: “Ñicbombon-nane, no miņecne manakopac, go porofete. ²⁰ Irec mutec manape: Kâcņenefâc-nâņec

jaņe tiki keczira Anutu mai ecne jumbiņ, â Judanic ñoņe ine Jerusalem haeoa Anutu mai ecnezo, iņuc muņgopieņ.” ²¹ Eme Jesuzi ziņuc muwec: “Ñokac, no gazape manac: Dameņ

moc bembenkekac, i maickeme ñoņe Mamac mai ecneniņmu i tiki keczira mâcne â Jerusalem

4:12: Joh 8:53 **4:13:** Joh 6:58 **4:14:** Joh 6:27, 35; 7:37–39

4:19: Kor I 14:24, 25; Joh 9:17 **4:20:** Sâc 12:5; Mi Mâ 122:1–9

haeo wâc mi eniñmu. ²² Nõje kâuc bahuc mai ecneengopien, nãje ine mana tarahuc mai ecneengopenen. Bâbâpian i Judanç nãjeraonec. ²³ Damen moc maickeocmu erâ zi biac maickekac hâcne, ira kikefunfâc-ticne fârine jañe mañzi â dãn fâri qizecnere sâcko Mamac mai ecneniñmu. Mamac e ñic inucne jañere ecneekac. ²⁴ Anutu e Mâro funğâtâne, irec e mai ecneengopien ñoje Mâro â dãn fâri qizec jahere ñesiñko mai ecnenzepien.” ²⁵ Mume ñokaczi ziñuc âzâcnewec: “No manakopac, Mesia fuaocte mukicne, zãñene moc Kristo, eki fuarâ wiac sasawa mu bataniñ enâreocmu.” ²⁶ Eme Jesuzi âzâcnewec: “Dãn gazakopac, no hâcne zi.”

²⁷ Inuc muhame motecfâcne fisimbiñ. Fisirâ ñokachec muc manac ewec irec wareckembiñ. Erâ wemo wiacte dãn âzâcnekomec, me weniñucte âzâcnekomec, inuc muhuc wiocneniñte manapie quñkeme behembiñ. ²⁸ Eme ñokac e opâ râqâc-ticne beherâ haeo gasacke rarâ ñic ziñuc jazawec: ²⁹ “Ñoje warerâ ñic moc honeniñ, eki epo bapo irec dãn mutaniñke-narefârekac. E Kristo wiac moc?” ³⁰ Eme haeonec waharâ Jesurao fisi-fârembiñ.

³¹ Eme motec jañe ziñuc âzâcnembiñ: “Qaqazu, nânâ nâc.” ³² Mupie jazawec, “Nânâ funmoc fonarekac, i ñoje mi manañgopien.” ³³ Inuc mume motec jañackoañ nazañ gazañ erâ mumbiñ: “Moczi moc nânâ bafisirâ râcnembien

4:21: Mar 14:58 **4:22:** Nçic II 17:29–41; Jes 2:3 **4:24:** Rom 12:1; Kor II 3:17 **4:25:** Joh 1:41 **4:26:** Joh 9:37; 10:25 **4:32:** Joh 4:34

me?” ³⁴ Mupie muwec, “Sorecnuwec ere mic renkehuc gie-ticne baku babatara izi nânâ-nane ekac. ³⁵ Njanac ziñuc muengopien: ‘Mosa 4 tarame nânâ fârine fuaocmu.’ Â noni ine ñazape mananiñ: Nõñe qâhâñnerâ zâñe fiñuc gie honeniñ, nânâ fârine fufua dameñ zine hâcne maickekac. ³⁶ Ro qânusuc gie baocmuzi furine roocmu, â fârinezi juju sananñe biñe eocmu. Eme he sarac ewec â fârine rome fewec jahe mâmâc babafic erâ zeri enicmu. ³⁷ Ehame dân keczi sananñeocmu: ‘Moczi he sarac eekac, â moczi fârine rome feekac.’ ³⁸ Noni ñõñe he sarac mi embiñko fârine ropie feocte sorec-ñopakopac. Gie i gâcnezi bapie fuawec eme ñõñe mâc rauckenñopien.”

³⁹ Eme Samaria ñokac e haefâc-ticne ziñuc jaza-wec: “Wiac epo bapo i mutaniñke-nare-fârejec.” Eme dân irec bocjahazi Jesu manasiñkemiñ. ⁴⁰ Irece Jesurao fisirâ jañehc juocte hefârembiñ. Eme Jesuzi mana-jarerâ zoanñ gie bapa jajahec jañere haeo juwec. ⁴¹ Eme miti jazame bocjaha jâmbânzi mana zakiemiñ. ⁴² Ehuc ñokac ziñuc âzâcnemiñ: “Qanañ gore dân binanñe erâ manasiñkembeneñ, zi ine nânñe nânâc micticnaonec dân manarâ ziñuc manapanñegopenenñ: Eki jâmbomac mârenñ sâc ñic nânâcne Bâbâpianñ.”

Jesuzi motec moc hucticne bâniniñkewec

⁴³ Eme Jesu e jañehc gie bapa jajahec jurâ Galilaia mârenñko rawec. ⁴⁴ Jesu e jahac qanañ

4:34: Joh 17:4

4:35: Mat 9:37; Luk 10:2

4:37: Mik 6:15

4:42: Joh I 4:14

4:43: Mat 4:12

ziņuc mufuawec: “Porofete moc e jahacne hae mâreņko jume sâcne mi sâseniņmu.” ⁴⁵ Eme Galilaia mâreņko rafisime Galilaia ņic jaņe âgo ecnemiņ. Ine jaņe juwicnao mâmâc Jerusalem haeo rarâ aakic hombaņko gie bame honemiņte iņuc ecnemiņ.

⁴⁶ Eme Kana haeo Galilaia mâreņko mârâc mume opâzi waiņ ewec ira hâcne mocwâc risiewec. Eme Kafanaum haeo kia moc juwec, e ņokâ-ticne hucsâko bame fowec. ⁴⁷ Eme Jesu e Judaia mâreņkonec risierâ Galilaia mâreņko mocwâc ware fisikac, iņuc mupie manarâ kia e Kana haeo Jesurao rarâ ņokâ-ticne hâmozo ehuc fowec irec jowame ranicte numucnewec. ⁴⁸ Eme Jesuzi ziņuc âzâcnewec: “Ņoņe mâsi â wiac zâņe furu-ņeņic sawa honerâ dâņnane mana zakieeņgopieņ.” ⁴⁹ Eme ņiczi muwec: “Wofuņ, ņokâ-nane hâmozacte biac fâzemec.” ⁵⁰ Mume Jesuzi ziņuc âzâcnewec: “Go mâc rac, ņokâge qiçic qakac.” Eme ņic e Jesure dâņ mana zakiehuc risie rawec. ⁵¹ Ehamē motec jaņe kiņaņ warerâ ziņuc âzâcniemiņ: “Ņokâge qiçic qajec jukac.” ⁵² Mupie qiçic qawec damēņ irec mu indiņ ejareme mumiņ: “Jacne zoaņ zâzâņiņ ņehame ira hucticne âke niniņkejec.” ⁵³ Iņuc mupie ņiczi fuņne kecziņuc manawec: Damēņ ira hâcne Wofuņzi sorecnuhuc mujec, “Ņokâge qiçic qakac.” Eme e jahacne â garikiņfâc-ticne Jesu manasiņke-fâremiņ. ⁵⁴ Jesu e Judaia mâreņkonec

4:44: Mat 13:57; Mar 6:4; Luk 4:24 **4:45:** Joh 2:23 **4:46:** Joh 2:1, 9 **4:47:** Luk 7:2 **4:48:** Joh 2:18; Kor I 1:22 **4:51:** Mat 8:6 **4:53:** Luk 19:9; Apo 16:15, 31

Galilaia mârenko risierâ funje qaqa mâsi i bame jajahec ewec.

5

Jesu e Betesida riqicko ñic moc qiqicne bawec

¹ Juku Judanjic janere hombanj sâko moc maick-eme Jesu e Jerusalem haeo rafewec. ² Eme Jerusalem haeo Lama Motâcko riqic moc ñewec zâñene Betesida. Ere mecnao fic memoc ñerawec. ³ Fic ira ñic huchec â tîntunj â zeke purinj â soc kekerenhec bocjaha fombinj, [ehuc opâ qirinj qaocete wonjeckembinj; ⁴ Wofunje anelo moczi damenj ocñondenj sâc riqicko waharâ opâ qâuawec; qâuahame moczi bâbâni opâo huwec e huc ecnewec i niniñkecneme qiqic qawec.] ⁵ Eme moc fowec e purinj ecnehuc juhame jara 38 ewec. ⁶ Eme Jesuzi ñic e honerâ damenj zora fohuc jukac, injuc manarâ wiocnerâ muwec: “Go qiqic qacmurâ egarekac me?” ⁷ Eme purinzi muwec, “Bomboj, mo ñic mo junarekaczi opâ qirinj qaha riqicko râecnuzac? Â no nahac huzo mupe ine moczi biac âkehocnurâ huekac.” ⁸ Mume Jesuzi zinuc âzâcnewec: “Go faharerâ fofoge rorâ rac.” ⁹ Mume izia sahad-ticne biankeme faharerâ fofoticne ameckerâ rawec. Zoanj ira ine sabata hombanj ñembinj.

¹⁰ Irec Judanjic jaje ñic qiqic qawec e zinuc âzâcnembinj: “Miñecgac hombanjo fofoge hâpokomec i mi eene.” ¹¹ Mupie zinuc jazawec: “Bâpianjukaczi zinuc naza sorec ekac: ‘Fofoge

rorâ rac.’ ” ¹² Mume wiocnerâ mumbiņ, “Fofoge rorâ rac gazajec ņic e zâņene mo?” ¹³ Mupie ņic bianķeweczi kâuc bawec. Jesu e ņicguru ira domambiņ jaņere ņondenķo kamierâ rawec. ¹⁴ Izi zâheç Jesuzi ņic e taha ufuņķo bâfuarâ uņ ziņuc âzâcnewec: “Go saħacge bianķejec, eme wiac ņemâc bâmâcne jâmbâņ fua-garezacte sâqocne mocwâc mi bazemec.” ¹⁵ Eme ņic e Jesu hone tararâ ra Judaniç ziņuc jazawec: “Ñic bâpiaņnukac zâņene Jesu.” ¹⁶ Jesu e sabata hombaņķo gie iņucne bawecte Judaniç jaņe râsi ecnemiņ. ¹⁷ Epiç Jesuzi ziņuc jazawec: “Mamac-nane e gie zuzuhuc jaha baekac, eme noni iņuc jaha wâc eekopac.” ¹⁸ Eme Jesu e sabata hombaņ hesifuckewec â Anuture Mamac-nane muħuc Anuture sâķo zuhuckewec, Judaniç jaņe wiac jajaheç irec erâ mana gâpârerâ qaniņte mumbiņ.

Jesu e bâqârec-nâporâ okacnere dâņ mutara-nâreocmu

¹⁹ Eme Jesuzi dâņ ziņuc jazawec: “No jâmbomac jâmbâņ ņazape mananiņ, Ñokâzi maņticnere sâcne gie mi baekac, Mamaczi bame sâc honeħuc baekac. Eki baekac ijaha Ñokâzi baekac. ²⁰ Mamac e Ñokâ honebâcķeekacte gie baekac sâc jâutu-fâreekac, erâ gie zi honeņgopieņ sawa mâcne, fekicne sâķo jâutume ņoņe honerâ wareckeniņmu. ²¹ Mamac e hâmokicne wiwicjoparâ bâqârec-jopaekac, iņuc jaha Ñokâzi e me e bâqârezo murâ bâqâreocmu. ²² Erâ Mamac

5:12: Luk 5:21 **5:14:** Joh 8:11 **5:16:** Mat 12:14 **5:17:**
 Joh 9:4 **5:18:** Joh 7:30; 10:33 **5:19:** Joh 3:11, 32 **5:20:**
 Joh 3:35

e ñic okacnere dâñ mi mutara-jareekac, gie i Nòkâre meo râewec. ²³ Eme ñic jañe Mamac sâseengopien ñuc jaha Nòkâ sâsenzepien. Moc e Nòkâ mi sâseocmuzi, Nòkâ sorewec, Mamac hâcne, e ñuc jaha mi sâseocmu. ²⁴ No jâmbomac jâmbâñ ñazape mananiñ: Moczi nore dâñ mana mañ ehuc, sorecnuwec e manasiñkeocmu, ñic e zîñuczia juju sanañhec ekac. E okacnere biñe mi ee hâmoc râpeckerâ jujuo raziwec jukac hâcne. ²⁵ No jâmbomac jâmbâñ ñazape mananiñ: Damerñ moc maickeocmu, erâ zi biac maickekac hâcne, ira hâmokitnezi Anutu Nòkâ-ticne ere dâñ manarâ qârerâ juniñmu. ²⁶ Mamac e jujure funqizecne, eme Nòkâ e ñuc jaha jujure funqizecne eocte qikiñnecnewec. ²⁷ Erâ e Ñic Fâri Wâtunje jukacte ñic okacnere dâñ mutara-jareocte mucnewec. ²⁸ Dâñ irec manapie mi qunkezejec. Damerñ moc bakicne fokac i maickeme zâñerunjo foengopien jañe ere dâñ wiwira manarâ wefunzonopien. ²⁹ Ehuc juju bianje jumbiñzi juju sanante faharenzonopien, â juju sâqocne jumbiñzi kiñte okacne roniñte faharenzonopien. ³⁰ No nahacne manje gie i bapane mi fokac, Mamac-nanere micsâcko sawa okacnere dâñ mutara-jareekopac. Ñuc ehuc okacnere gie bape sâckoa eocmu. I no nahacne dâñ mâcne, sorecnuwec ere dâñ zaeckeekopac.

5:22: Dan 7:13, 14; Apo 17:31 **5:23:** Fil 2:10, 11; Joh I 2:23; Luk 10:16 **5:24:** Joh 3:16, 18; 8:51; Joh I 3:14 **5:25:** Mat 8:22; Efe 2:5, 6 **5:26:** Joh 1:1–4 **5:27:** Dan 7:10, 14; Joh 5:22
5:29: Joh 6:40; Dan 12:2; Mat 16:27 **5:30:** Joh 5:19; 6:38

Anutuzi Njokâ-ticnere fuņne bataniņkeekac

³¹ “No nahac fuņne-nane mutaniņkepe fârimâc eocmu. ³² Fuņne-nane i moczi mutaniņkeocmu, erâ no manakopac, fuņne-nane mutaniņkeme fârine eocmu. ³³ Nõņe Johane mu indij ecnepie dâņ fâri qizecne mutaniņkewec. ³⁴ Erâ ñiczi fuņne-nane mutaniņkeniņte ine mi muekopac, nõņe fuņne-nane manarâ jujure hata âteniņte irec mâc ñaņacnere muekopac. ³⁵ Johane e jâmbomac lambe sâko erâ tamae-ņarewec. Ehame nõņe mâc zâzirijne nacbemben ħone aņac ehuc jumbij sawa.

³⁶ “Â nore fuņne mutaniņkeekac, e Johane iņucne mâcne, e sâc moc. Mamac gie munarewec, gie irec fârine bâfuape ine Mamaczi sorecnume wahapo irec fuņne taniņkeekac. ³⁷ Mamac sorecnuwec eki hâcne fuņne-nane mutaniņkewec. Nõņe ine e jahacne mickonec dâņ mi manambij â hawarine wâc mi honembij. ³⁸ Erâ nõņe dâņticne maņņeņicko sâcne mi râepie fohuc juekac. Njic sorewec ere dâņ qikiņnehuc wemocko iņuc eniņmu. ³⁹ Nõņe miti papiao kecziņuc muhuc wose gufuc eenġopien: Juju sanan ira hâcne soņkekicne. Erâ izi hâcne nore fuņne mufuaekac. ⁴⁰ Eme nõņe norao juhuc juju sananġhec ee i sifu qikiņneenġopien.

Judaņic jaņe Moserao maņġâņ roweckembij

5:31: Joh 8:14 **5:32:** Joh 5:36, 37; Joh I 5:9 **5:33:** Joh 1:19–34 **5:35:** Luk 1:17 **5:36:** Joh I 5:9; Joh 1:33; 3:2 **5:37:** Mat 3:17; Sâc 4:12 **5:39:** Luk 24:27, 44; Tim II 3:15–17; Pet I 1:11

41 “No ñiczi sa hac mumutenj wiac enareninje irec mi muekopac. 42 Ñonjere funje ine jâmbomac manaekopac, manjenic Anutura mi domaekac. 43 No Mamac-nanere micte ñonjerao wahapo, eme ñonje sifu âgo mi enarengopienj. Juku ñic moc e e jahacne manje fisime ine âgo ecneninmu. 44 Ñonje ñanaczia mumutenj eec ehuc Anutu qâqâhâc sâko ere mumutenje mi enareekaczi wemocko mamasinhec eninmu? 45 Ñonje nore zinuc mi munzepienj: Eki Mactao dânânhec mugâpâre-nâreocmu. Inuc mâcne, ñonje ñic moctao roweckeengopienj, Mose hâcne, eki mugâpâre-ñareocmu. 46 Mose e dân qârenkewec i nore qârenkewec. Eme ñonje ere dân mana zakierâ muzac nore mâmâc mana zakienzapinj. 47 Mosere dânqârenj qikinnehuc nore dân wemocko mana zakieninmu?”

6

*Jesuzi ñic 5000 nânâ gumec-jopawec
(Mat 14:13–21; Mar 6:32–44; Luk 9:10–17)*

1 Jesu e dân i mufârerâ Galilaia riqic, Tiberia riqic hâcne, fotâcnerâ ocniucnao raziwec. 2 Razime ñic ñokac bocjahazi huc zâichec qiqicne bacjopame honembinje bânâpembinj. 3 Eme Jesuzi motecfâcne rocjopame tikio ferâ ñembinj. 4 Damenj ira Judanjic aakic hombanjenjic bembenkewec. 5 Eme Jesuzi zânje firâ ñic guru sâko fisipie honec-joparâ Filipino wiocnerâ

5:43: Mat 24:5 5:44: Joh 12:43; Mat 23:5–7 5:45: Sâc 31:26
 5:46: Fuf 3:15; 49:10; Sâc 18:15 5:47: Joh 7:19; Luk 16:31
 6:4: Joh 2:13; 11:55; Luk 22:1

muwec, “Poronj wenirec furine barâ i sâko gumec- jopapene sâcjopaocmu?” ⁶ E wiac eocte manasume foha mâc esâickewec. ⁷ Eme Filipinozi zinjuc muwec: “20 kinazi poronj furine barâ gumec- jopapene mâc hesâsâc- jopaocmu.” ⁸ Mume motecfâcne jaņeraonec moc, Anderea, Simonj Petorore qa, eki zinjuc muwec: ⁹ “Zira motec moc jukac eki poronj memoc â opâ qowi jajahec bajukac, erâ njic guru sâko jâmbânje keci mac izi wemo ezo?” ¹⁰ Eme Jesuzi muwec, “Noņe njic ejarepie qâzuckerâ waha ņeniņ.” Eme mâreņ ira kecqaņ fowec i toma âterâ njic 5 tausenj qâririņ injuczi waha ņerambiņ. ¹¹ Eme Jesuzi poronj rorâ danje murâ njic ņerambiņ jaņe bătâc bajarewec â qowi injuc jaha mupie sâc jarewec. ¹² Nârâ gapec- jopame Jesuzi motecfâcne zinjuc jazawec: “Tiwâne forâ sipirickezacte nusenij.” ¹³ Eme jaņe poronj memoc irec tiwâne nusepie sasac 12 hurâ fusewec. ¹⁴ Eme njic jaņe fuņne qaqa mâsi i hone manac erâ mumbiņ, “Porofete sâko mâreņko fuaocte mukicne, zine hâcne jâmbânj.” ¹⁵ Eme jaņe Jesu orâņkerâ mezi rorâ njicwofuņ- jenjic âkendâņnezo ehapie hone tarac- joparâ beheç- joparâ e jahackoanj tikio fewec.

Jesu riqicko âte âte rawec

(Mat 14:22–27; Mar 6:45–52)

¹⁶ Hae owâeme motecfâcne jaņe riqicmecko humbiņ. ¹⁷ Hurâ Kafanaum haeo risie raniņte wokeo fembiņ. Erâ hae dapâc eme Jesu juhame buc rambiņ. ¹⁸ Ehuc mâņâņ sanaņne domame

siri kâcqene qame rambin. ¹⁹ Jaņe kilometa 4 me 5 irec sâc rakuhapie Jesuzi riqic faio âte âte rarâ woke bâqin̄keme honerâ fâfârembin. ²⁰ In̄uc epie wira-jarerâ muwec: “Nahac fâkopac, mi hâwic-ņopaoc.” ²¹ Eme wokeo ropie feocte ehapie izia woke mâreņ razo mumbin̄ko fisiwec.

Nic jaņe Jesu mâsire hesuambin

²² N̄ic guru sâko jaņe riqic ocniņucnao fohapie hae furewec. Hae fureme zin̄uc mumbin̄: “Jacne ņafeo woke mocsâkoa ņeme honembeneņ, ira motecfâcne Jesu beherâ buc ferâ rambin̄.” ²³ In̄uc manahuc ņehapie Tiberia haeonec woke gâcne Wofun̄zi dan̄ge murâ poroņ gumec-jopawecko ware fisimb̄in̄. ²⁴ Eme ņic jaņe Jesu e jahacne â motecfâcne basac-joparâ wokeo ferâ Kafanaum haeo risie rarâ ira basambin̄. ²⁵ Riqic zin̄ucnao basaku bâfuarâ mumbin̄, “Qaqazu, go wezimucne waremec?” ²⁶ Wiocnepie zin̄uc jazawec: “No jâmbomac jâmbân̄ mupe mananiņ, ņoņe fun̄ne qaqa mâsi bape honeeņgopieņ irec mâcne, nânâ gumec-ņopape nâ gapec embieņ, irec basac-nuņgopieņ. ²⁷ N̄oņe gie banzepieņ, erâ nânâ sisirowenere mâcne, juju sanan̄te nânâ irec giene banzepieņ. N̄ic Fâri Wâtun̄ne eki, Anutu Mamaczi kamac sarahuc âkendân̄newecte, juju sanan̄te nânâ i sâcne ņareocmu.” ²⁸ Mume dân̄ zin̄uc bătikiecnemb̄in̄: “Nân̄e weniņuc erâ Anuture gie banan̄mu?” ²⁹ Eme zin̄uc jazawec: “N̄ic sorewec e manasiņkezo, izi Anuture gie biņe-ņeņic ekac.” ³⁰ Mume dân̄ zin̄uc âzâcnemb̄in̄: “Mo fun̄ne qaqa

mâsi mo batec honerâ manasiŋgunaŋmu? Mo gie mo bacmu? ³¹ Mimiŋnefâc-nâŋec jaŋe mâreŋ sawao mana nâjumbieŋ. Eme irec dânqâreŋ ziŋuc fokac: ‘Sambâŋkonec nânâ jareme nâjumbieŋ.’ ”

Sambâŋkonec nânâ irec dân

³² Eme Jesuzi ziŋuc jazawec: “Jâmbomac jâmbâŋ mupe mananiŋ; Mose e sambâŋkonec nânâ mi bâfua-ŋarewec, Mamac- nanezi sambâŋkonec nânâ fârine ŋareekac hâcne.

³³ Nânâ sambâŋkonec waharâ mâreŋŋic juju bâfua-ŋareekac izi Anuturaonec nânâ fârine ekac.” ³⁴ Mume ziŋuc âzâcnembiŋ: “Wofuŋ, go nânâ mukic i dameŋ sâc nârezemec.”

³⁵ Eme ziŋuc jazawec: “Jujure nânâ no hâcne. Moc e norao qohotaocmu e nânâre moc mi hâmoocmu, â moc e no manasiŋnuocmu e opâre moc mi hâmoocmu. ³⁶ No ine ŋazape, ŋoŋe no honecnu- bipiehuc sifu mi manasiŋnuenŋopieŋ.

³⁷ Mamaczi nareekac i jaŋe norao fisi- fâreneŋmu, â norao fisiocmu e mi bâsuepemu. ³⁸ Sambâŋkonec wahapo i no nahacne micdâŋ dopeckepemurâ mâcne, sorecnuwec ere micdâŋ dopeckepemurâ wahapo.

³⁹ Mamac-nanezi norao râec-jopaekac ŋic i jaŋe sipirickenzipiŋte hone qâzuc ejareku dameŋ sâkoo furu jaha wiwic-jopape faharenzongopieŋ; sorecnuwec ere micdâŋ iŋuc hâcne fokac. ⁴⁰ Nôkâ hone dendeŋnehuc manasiŋkeniŋmu sâc juju

6:30: Joh 2:18; Mar 8:11 **6:31:** Wah 16:13, 14; Mi Mâ 78:24

6:32: Joh 6:49 **6:33:** Joh 6:51 **6:35:** Joh 4:14; 6:48; 7:37

6:36: Joh 6:26, 29 **6:37:** Joh 17:6–8; Mat 11:28 **6:38:** Joh

4:34; Mat 26:39 **6:39:** Joh 10:28, 29; 17:12

sanaŋ rauckeninŋmu; Mamac-nanere micdâŋ inŋuc hâcne fokac. Eme noni dameŋ sâkoo bâqârec-jopazokopac.”

Jesu e juju sanaŋte nânâ

⁴¹ Jesu e “sambânkeonec nânâ no hâcne” inŋuc muwecte Judaŋic jaŋe mana sâqorecnehuc dâŋembiŋ. ⁴² Ehuc ziŋuc mumbiŋ: “Wiac Jesu e Josefere ŋokâ, neŋgoc mamac jahec-ticne i nâŋe honec-jofaenŋgopenenŋ. Eme wemocte ziŋuc mukac: ‘No sambânkonec wahapo?’” ⁴³ Mupie Jesuzi ziŋuc jazarâ muwec: “Ŋoŋe boc mi man-apie sâqorezejec. ⁴⁴ Ŋic moc e jahacne maŋte norao fifisi i mi fokac, Mamac sorecnuwec eki fâreme fifisine ine fokac. Eme noni ŋic inŋucne e dameŋ sâkoo bâqârezokopac. ⁴⁵ Porofete jaŋere dâŋqâreŋ ziŋuc fokac: ‘Anutu e jahac ŋic sasawa miti jaza qazuc eocmu.’ Irec moc e Mamaczi miti âzâcne qazuc eme manaocmu e norao fi-siocmu. ⁴⁶ Ŋic moczi moc Mamac honewec i mi fokac, Anuturaonec wahawec e mocjahazi Mamac honewec. ⁴⁷ No jâmbomac jâmbânŋ ŋazape mananiŋ: Moc e no manasiŋnuocmuzi juju sanaŋhec eocmu. ⁴⁸ Jujure nânâ no hâcne. ⁴⁹ Mimiŋnefâc-ŋeŋic jaŋe mâreŋ sawao mana nâipiehuc hâmo-fârembiŋ. ⁵⁰ Â sambânkonec nânâ nârâ mi hâhâmo ine norao fokac zi. ⁵¹ Jujure nânâ sambânkonec wahakicne no nahacne hâcne. Irec moc e noraonec nânâ nârâ jurazihuc juocmu

6:40: Joh 5:29; 11:24 **6:42:** Luk 4:22 **6:44:** Joh 6:55

6:45: Jes 54:13; Jer 31:33, 34 **6:46:** Joh 1:18 **6:47:** Joh 3:16

6:48: Joh 6:35 **6:49:** Joh 6:31, 32; Kor I 10:3, 5

sanaŋ. Biuc-nanezi nânâ ekac, i ŋiczi juju bâfuaninŋte ŋarepemu.”

⁵² Eme Judanŋic jaŋaczia mu qaŋatarac erâ mumbinŋ, “E weninŋuc erâ biuc-ticne nâreme nanaŋmurâ mukac?” ⁵³ Epie Jesuzi zinŋuc jazawec: “No jâmbomac jâmbânŋ ŋazakopac, ŋoŋe Ŋic Fâri Wâtunŋe ere biuc â soc mi nâninŋmuo maŋŋeŋicko juju mi fuaocmu. ⁵⁴ Moc e nore biuc â soc nâocmuzi juju sanaŋhec eocmu, eme noni damenŋ sâkoo bâqârezokopac. ⁵⁵ Nore biuc izi nânâ fârine, â nore soc izi opâ fârine. ⁵⁶ Nore biuc â soc nâocmuzi no maŋnuocmu a noni e maŋkepemu. ⁵⁷ Mamac e juju runezi sorecnume wahapore Mamacte erâ juekopac, eme no nâcnuocmuzi inŋuc jaha nore erâ juocmu. ⁵⁸ Sambânŋkonec nânâ irec fuŋne inŋuc fokac. I mimiŋnefâc-ŋeŋic nâmbinŋ inŋucne mâcne. Jaŋe nâipiehuc hâmbinŋ. Â nore nânâ zi nâocmu e ine juraŋihuc juocmu sanaŋ.” ⁵⁹ Jesu e Kafanaum haeo mitificko juhuc dânŋ i jaza qazuc ewec.

Nic tucnezi Jesu râpeckembinŋ

⁶⁰ Kikefunŋfâc-ticne jaŋeraonec bocjahazi dânŋ i manarâ mumbinŋ, “Dânŋ keczi manapene quŋŋkenehec ekac, i mozi manaocmu?” ⁶¹ Eme mu takic embinŋ i Jesu e maŋticnezi manarâ zinŋuc jazawec: “Dânŋ i manapie sâqorekac me? ⁶² Eme Ŋic Fâri Wâtunŋezi mârâc juweckoa risie feme manapie weninŋuc eocmu? ⁶³ Sahacte biuczi juju bâbâfua i mi fokac, juju bâbâfua i Mârore

6:51: Heb 10:5, 10 **6:52:** Joh 6:60 **6:56:** Joh 15:4; Joh I 3:24; 2:24 **6:62:** Joh 3:13

gie. No dân ñazaekopac i Mârohec â jujuhec.
⁶⁴ Eme ñoñeraonec tucnezi ine mana mañ mi eenğopieñ.” Jesu e miti-ticne qikiñneniñmu jañe mârâcko mana tarac-jopawec, â doc baocmu e mâmâc mana tarawec, irec dân iñuc jazawec.
⁶⁵ Erâ dân moc zıñuc zuhuckerâ muwec: “No irec hâcne kecziñuc ñazapac: Moc e Mamaczi mi baafeckeha norao fisirâ jujune mi fokac.” ⁶⁶ Eme dameñ ira kikefunfâc-ticne jañeraonec bocjahazi jume jujure takic-jopame râpeckembiñ.

Petorozi Jesure fune mujanğekewec

⁶⁷ Eme Jesuzi motec funfunfâc-ticne 12 in-diñ-joparâ muwec, “Ñoñe iñuc jaha râpecnuzo muñğopieñ me?” ⁶⁸ Mume Simoñ Petorozi zıñuc âzâcnewec: “Wofun, go beheçgurâ moc morao ranañmu? Go mocjahazi juju sanañte dân bajuekic. ⁶⁹ Nâñe go manasiñguhuc zıñuc managareenğopeneñ: Go Anuture Tiriñic hâcne.”
⁷⁰ Eme Jesuzi zıñuc jazawec: “No motec ñoñe 12 rowosâec-ñopapo. Eme wemocte ñoñeraonec moczi Satañ ekac?” ⁷¹ E Juda Simoñte ñokâ Karioto haeonec ere manasuhuc iñuc muwec. E motec 12 jañere guruoneczi hâcne juku zâhecko Jesu doc bawec.

7

Jesu e rehac boze hombañte Jerusalem haeo fewec

6:63: Kor II 3:6 **6:64:** Joh 13:11 **6:65:** Joh 6:44 **6:68:** Joh 6:63 **6:69:** Joh 1:49; 11:27; Mat 14:33; 16:16

¹ Jerusalem haeonec Judanċ jaŋe Jesu qaniŋte dâŋ qacnepie Judaia mâreŋ-jenċ qikiŋnerâ Galilaia mâreŋko sawa rac warec ehuc juwec. ² Ehuc juhame Judanċ rehac boze hombaŋ-jenċ bembenċewec. ³ Ehame qafâc-ticne zinjuc âzâcnembiŋ: “Go zawierâ Judaia mâreŋko rarâ, zira mâsi wiac baekic i ocna batec kikefunfâcge jaŋe honenzepieŋ. ⁴ Mozi fua tâcnezo murâ soŋsoŋ juhuc gie baocmu? Go gie injucne bazo muekicte ra ŋicguruo fua taniŋkerâ batec honeniŋ me!” ⁵ Qafâc-ticne jaŋe e mi manasiŋkehuc injuc mumbiŋ. ⁶ Mupie Jesuzi zinjuc jazawec: “Ŋoŋe dameŋ kosao wiac ezo murâ sâcne eniŋmu, no ine dameŋ-nane mi maickekac. ⁷ Ŋic jaŋe ŋoŋe wemocko qaisoc-ŋopanijmu, no ine juju bapa-jenċ sâqocne i mutaniŋkepe qaisocnuenċopieŋ. ⁸ Ŋoŋe hombaŋko raniŋ, no ine dameŋ-nane mi maickekacte zinjuczia mi rapemu.” ⁹ Injuc murâ Galilaia mâreŋkoa juwec. ¹⁰ Eme jaŋe bânierâ rahapie e zâhecko buc kamierâ rawec. ¹¹ Eme hombaŋ maickeme Judanċ micne jaŋe basarâ wiwioc erâ mumbiŋ, “E wena jukac?” ¹² Â ŋic omane sâko jaŋe ere dâŋ bocjaha mufembiŋ. Ehuc gâcnezi mumbiŋ, “E ŋic bianne,” â gâcnezi qatararâ mumbiŋ, “Aricne, e ŋic maŋ bâsifuc ejareekac.” ¹³ Erâ Judanċ micne jaŋere hâwic-jopame dâŋ tâtâcko mi mumbiŋ.

Jesu e Anuturaonec dâŋ bawahawec

7:1: Mar 9:30; Luk 9:51 **7:2:** Tah 23:34 **7:3:** Joh 2:12; Mat 12:46; Apo 1:14 **7:5:** Mat 13:55 **7:6:** Joh 2:4 **7:7:** Joh 15:18 **7:13:** Joh 9:22; 12:42; 19:38

14 Eme hombanj zâzâñjiko Jesu e taha ufunjo ferâ miti jaza qazuc ewec. 15 Miti mume Judanjic micne jaje wareckerâ zinjuc mumbinj: “E nâñâcne mamana ficko mi juweczi weniñuc erâ mitire fuñe manaekac?” 16 Mupie Jesuzi zinjuc jazawec: “No mitire fuñe qazuñareekopac i no nahacne mâcne, i sorecnuwec ere. 17 Eme mitire fuñe keczi i Anuturaonec me no nahacnaonec, i Anutu micne reñkehuc mana tarazo. 18 Moc e jahacnaonec manasurâ muocmu, e sahad mumuteñte hata âteocmu, â moc e gie runere mumuteñ fuaocte gie baocmu, ere ine sahad fefe tâmiric siocmâc jukac muzo. 19 Mose e sâcmutâc dâñ mufua-ñarewec. Â ñoñeraonec moczi moc mi reñkeekac. Eme ñoñe wemo wiacte nuzo muñgopieñ?” 20 Mume ñic omane sâko jaje mumbinj, “Go demonzi mañge bâsifuckekac. Mozi guzo mukac?” 21 Eme Jesuzi jazawec, “No mâsi mocjaha bapo irec erâ mu warec boc eengopieñ. 22 Mupe mananiñ: Mosezi motecfâc-ñeñic sahad-jeñjicko ma baniñte muñarewec. Erâ i Mosezi mi fuñkewec, mimiñe jaje fuñkembinj. Eme gie i bapane maickeme sabata hombanjo wâc baengopieñ. 23 Ine hâcne Mosere sâcmutâc dâñ huckepie fârimâc ezacte hombanjo motecfâc-ñeñic sahad tofa-jeñjicko gie i baengopieñ, â no ine ñicpuriñ sahad-ticne furu jaha hombanjo bâpiankepo, irec wemocte mana

7:15: Mat 13:54; Luk 2:47 7:16: Joh 12:49 7:18: Joh 5:41, 44 7:19: Joh 5:16, 18, 47; Apo 7:53; Rom 2:17–29 7:20: Mar 3:21; Joh 8:48, 52; 10:20 7:21: Joh 5:16 7:22: Fuf 17:10–12; Tah 12:3

gâpâre-narengopien? ²⁴ Nõje dâŋ onzon jaha sahaene mi munin, mana wosâehuc dâŋ fârine munzapin me!”

Jesu e Anuture bufunkonec wahawec

²⁵ Eme Jerusalem hae rune jaŋe zinuc mumbin: “Nic qazo muengopien ine hâcne zi. ²⁶ Hâc, e weninuc erâ dâŋ tâtâcko mume micnefâc-nâŋec jaŋe mi qataracneŋgopien? Me jaŋe fuŋne-ticne mana tarahuc manacnepie Kristo ekac mecne? ²⁷ Erâ inuc wâc mâcne mecne. E fufua-ticnere fuŋne manangopenen. Kristo wareocmu ine ere fuŋne kâuc bafârenanmu.” ²⁸ Jesu e taha ufuŋko miti qazu-jarehuc domahame inuc mupie hahanen bahuc muwec, “Oi nõje, mana taracnurâ fufua-nanere fuŋne manaengopien, nõje hâcne. Wahapo i no nahacne manje mi wahapo, jâmbomac rune moc jukac eki sorecnume wahapo. Nõje e kâuc banngopien. ²⁹ No ine e jahacne bufunkonec sorecnume wahapore e mana tarakopac.” ³⁰ Inuc mume kâpâcwâru baninje mumbin. Erâ dameŋ-ticne mi maickewecte mejenic mâckeme behembin. ³¹ Ehamen ic omane jaŋeraonec bocjahazi fuŋkerâ Jesu manasin kembin. Ehuc zinuc mumbin: “Kristo fisiocmu, e ic zizi mâsi baekac i sirickehuc baocmu me? Aricne, e bafâreekac.” ³² Nic jaŋe dâŋ inucne kamierâ mupie farisaio jaŋe manarâ

7:23: Joh 5:8 **7:24:** Joh 8:15 **7:25:** Joh 7:19 **7:27:** Joh 7:41
7:29: Mat 11:27 **7:30:** Joh 8:20; 13:1; Luk 22:53
7:31: Joh 8:30; 10:42; 11:45; 12:42

taha bapa micne jañehec nazañ gazañ erâ mori jañe Jesu kâpâcwâru baniñte sorec-jopapie rambin.

Jesu e Mamac-ticnerao risieocte jazawec

³³ Eme Jesuzi ñic zinuc jazawec: “No damen bembenje sawa ñoñehec jurâ sorecnuwec erao risiepemu. ³⁴ Eme ñoñe no basacnu-bipiehuc mi bâfuacnuniñmu. Ra jupemu ira wemocko fâniñmu.” ³⁵ Inuc mume Judañic jañe zinuc muhuc nazañ gazañ embin: “E wena rame basa-bipienante mukac? Judañic âgofâc-nâñec Grik mârenko juranropien jañerao raocte mukac, ehuc Grik miti jazaocte manasuhuc mukac? ³⁶ Basacnu-bipiehuc mi bâfuacnuniñmu, â rapemu ira sâcne mi fâniñmu, dân inucne weninucte mukac?”

Jesu manasiñkehuc opâ sârohec ezo

³⁷ Judañic jañe hombañ botâñne ñetaraninthe tutumañ sâko ehuc ñehapie Jesuzi faharerâ domahuc dân wiwic jaha zinuc muwec: “Moc e opâre hâmokacko norao warerâ nâzejec. ³⁸ Â moc e manasiñnuhuc juocmu ere bumañkonec opâ sâro fifisine wahahuc domaocmu. Miti papiao dân inuc hâcne gârenkekicne.” ³⁹ Jesu manasiñkembin jañe Mâro binje gajarehuc inuc muwec. Jesu e damen ira sambân eri tatamac-ticnere mañnao mi risie fewecte Mâro mi wahawec. ⁴⁰ Nïc jañe dân i manarâ Jesure zinuc

7:33: Joh 13:33 **7:34:** Joh 8:21; 13:36; 17:24 **7:37:** Joh 4:10, 14; Tah 23:36 **7:38:** Jes 44:3; 55:1; 58:11; Ezek 47:1, 12; 3ek 13:1; 14:8; Joe 2:28; 3:18 **7:39:** Joh 16:7; Kor II 3:17

mumbiņ: “E jâmbomac porofete sâko-nâņec.”
⁴¹ Â gâcnezi mumbiņ, “E Kristo jâmbâņ.” Mupie
 tucnezi qatararâ mumbiņ, “Wiac Kristo e we-
 mocko Galilaia mâreņkonec fuaocmu. ⁴² Tiri
 Papiao dâņ ziņuc mukicne: Kristo e Dawidire
 haefuņ Betelehem ira oso gitecfâc-ticne jaņere
 ņondeņkonec fuaocmu.” ⁴³ Ņic jaņe Jesure iņuc
 muhuc fâuckembiņ. ⁴⁴ Eme gâcnezi kâpâcwâru
 baniņte murâ mejeņic mâckeme behembiņ.

Jesu kâpâcwâru baniņte eipierâ behembiņ

⁴⁵ Eme momori jaņe taha bapa micne â fari-
 saio jaņerao risiepie wio-jarerâ mumbiņ: “Ņoņe
 wemocte mi rorâ bawareņgopieņ?” ⁴⁶ Wiopie
 momori jaņe mumbiņ, “E dâņ muekac, iņucne ņic
 gâcnezi mumune mi fokac.” ⁴⁷ Mupie farisaio ņic
 jaņe ziņuc jazambiņ: “Me, ņoņe iņuc jaha maņ
 bâsifuc eņarejec? ⁴⁸ Soņaņ kâcqeņe â farisaio
 ņic nâņeraonec moczi erao moc qohotac me?
⁴⁹ I aricne i, ņic omane guru, sâcmutâc dâņ mi
 mamana jaņe sawa, hârâcte biņe jaņe hâcne.”
⁵⁰ Eme âgo-jeņic moc Nikodemo, mârâc Jesu iqick-
 ewec, eki ine ziņuc jazawec: ⁵¹ “Ņoņe munि, ņic
 moc fuņne-ticne mi manahuc â kiņticne mi hone-
 huc okacnere dâņ mâc mumutarane, iņuc ezore
 sâcmutâc papia-nâņecko moc qâreņkekiecne fokac
 me?” ⁵² Eme âgofâcne jaņe ziņuc mumbiņ: “Eme
 go iņuc jaha Galilaia mâreņkonec me? Wose gufuc

7:40: Joh 6:14; Sâc 18:15 **7:41:** Joh 1:46 **7:42:** Sam II 7:12;
 Mik 5:2; Mat 2:5, 6; 22:42; Mi Mâ 89:3 **7:43:** Joh 9:16 **7:44:**
 Joh 7:30 **7:45:** Joh 7:32 **7:46:** Mat 7:28, 29 **7:48:** Joh
 12:42 **7:50:** Joh 3:1, 2 **7:51:** Sâc 1:16, 17; 19:15

eku zinjuc manacmu: Galilaia mârenkonec porofete fufuane mi fokac.”[⁵³ Eme jaņe râwiņnerâ ficjeņic sâc rafârembiņ.

8

Ņokac sâqocne moc Jesurao barambiņ

¹ Jesu e Oliwa tikio fewec. ² Hae fureme irecneć risierâ taha ufuņko feme ņic jaņe erao mâretec tumaņnemiņ. Eme ira ņehuc miti jaza qazuc ewec. ³ Ehame miti qařazu â farisaio ņic jaņe ņokac moc boe sau ehuc juhame bâfuakicne e Jesurao bararâ ⁴ mumbiņ, “Qařazu, ņokac keczi boe sau ehuc juhame bâfuakicne. ⁵ Eme Mose e ņokac iņucne qânâzi hehâmoc-jopazore sâcmutâć dâņko munârewec. Gahac ine weniņuc mukic?” ⁶ I mâc esâickepie dâņ iņuc me iņuc mume dâņko râeniņte fecnehuc mumbiņ. Mupie Jesu e daperâ mârenko mezi qârenkewec. ⁷ Qârenkehamewiocnerâ wiocne epie qâhâņnerâ zinjuc jazawec: “Ņoņeraonec moc bahac tâmiric juekaczi fuņkerâ qânâzi heme henzepieņ.” ⁸ Iņuc murâ mocwâć daperâ mârenko qârenkewec. ⁹ Ehame jaņe dâņticne manarâ micnezi bânieme moc moc raku rafârembiņ. Eme ņokac e Jesure maņfuņko buc domame, ¹⁰ Jesuzi qâhâņnerâ wiocnerâ muwec: “Ņokac, jaņe wena? Moczi moc okacnere dâņ mi mugarejec me?” ¹¹ Eme ņokazi muwec, “Wofuņ, aricne.” Mume muwec, “Eme noni iņuc jaha

7:52: Joh 1:46; 7:41 **8:1:** Luk 21:37 **8:5:** Tah 20:10; Sâc 22:22–24; Mat 22:15 **8:7:** Sâc 17:7 **8:9:** Mat 22:22; Rom 2:22

okacnere dân mi mugarepemu. Go mâc ra juhuc sâqocne mocwâc mi bazemec.”]

Jesu e fuņne-ticne mutaniņke-jarewec

¹² Eme Jesuzi ñic dân moc zĩņuc zuhuckerâ jazawec: “No mâreņ sâc ñic ñoņere zoctamac. Eme moc e no bâjâpecnuocmuzi dapâcko mi rahuc juocmu. E jujure tatamac focnehame juocmu.”

¹³ Iņuc mume farisaio ñic jaņe zĩņuc âzâcnembiņ: “Zi go gahac fuņnege mutaniņkecomec, i manapene fârine mi ekac.” ¹⁴ Mupie Jesuzi zĩņuc jazawec: “No nahac fuņne-nane mutaniņkepe

irec fârimâc mi eekac. No wenirec warepo â wena rapemu irec fuņne manahuc dân muekopac. Ñoņe ine irec â irec mâmâc kâuc baengopien.

¹⁵ Ñoņe fuņne riritu gie baengopien i sasahac eekac. No ine fuņne riritu gie mi baekopac.

¹⁶ Me fuņne riritu gie bapemu ine fârinehec eocmu. No fuņne riritu gie buc bapane mi fokac. Mamac sorecnuwec eki baficnume bapane fokac.

¹⁷ Eme sâcmutâc dânņeņicko kecziņuc fokac: ‘Ñic jajaheczi mocte fuņne ritupire fârine muzo.’ ¹⁸ Eme no fuņne-nane mutaniņkehape Mamac sorecnuwec eki iņuc jaha mutaniņkeekac.”

¹⁹ Dân iņuc jazame wiocnerâ mumbiņ, “Mamacge wena?” Eme zĩņuc jazawec: “Ñoņe no mi mana taracnuhuc Mamac-nane iņuc jaha mi mana taraengopien, no mana taracnurâ muzac, Mamac-nane iņuc jaha mana taranzapiņ.”

²⁰ Jesu e ufunĳo taha katapa ñewec maņne ira miti jaza

8:11: Joh 5:14 **8:12:** Jes 49:6; Joh 1:5, 9; 12:46 **8:14:** Joh 5:31 **8:15:** Joh 7:24; 12:47 **8:16:** Joh 8:29 **8:17:** Sâc 17:6; 19:15 **8:18:** Joh I 5:9 **8:19:** Joh 14:7

qazuc ehuc dâj i muwec. Eme damen-ticne mi maickewecte wemocko afeckerâ kâpâcwâru banzapij.

Niczi mârenkonec, Jesuzi sambânkonec

²¹ Eme Jesu e harierâ ziñuc jazawec: “No beheç-ñopa rape ñoñe basacnurâ sâqocne-ñeñichec juku hâmoniñmu. No ra jupemu ira wemocko fâniñmu.” ²² Iñuc mume Judaniç jañe mumbiñ, “‘No ra jupemu ira wemocko fâniñmu’, iñuc wemocte mukac? Sahac-ticne qarâ hâmoocete mukac me weniñuc?” ²³ Eme Jesuzi ziñuc jazawec: “Ñoñe juwickonec, no faickonec, ñoñe mârenkonec, no mârenkonec mâcne. ²⁴ No irec hâcne ñazakopac: Ñoñe sâqocne-ñeñichec juku hâmoniñmu. No jukopac zi fuñne-nane ñazaekopac i mi mana zakieniñmuo, sâqocne-ñeñic foñarehame hâmoniñmu hâcne.” ²⁵ Mume wiocnerâ mumbiñ, “Eme go mo?” Mupie Jesuzi jazawec, “Ñazaekopac i jâmbâñ hâcne. ²⁶ No ñoñere bahac â kiñdâñ bocjaha bajuekopac. Sorecnuwec eki dâñ fârine muekac, eme noni micticnaonec manapo ijaha zira mârenko mufuaekopac.” ²⁷ Mamac-ticnere iñuc jazame jañe mi mana tarambiñ. ²⁸ Irec Jesuzi zuhuckerâ ziñuc jazawec: “Ñoñe Ñic Fâri Wâtuñne bâfeñnerâ fuñne-ticne mana taraniñmu. Erâ no nahacne mañte wiac mi eekopac, Mamaczi qazu-narewec dâñ ijaha muekopac, i wâc mana taraniñmu. ²⁹ Sorecnuwec e nohec

8:20: Joh 7:30; 13:1; Luk 22:53 **8:21:** Joh 7:34; 13:33 **8:22:** Joh 7:35 **8:23:** Joh 3:31 **8:25:** Joh 8:14 **8:26:** Joh 8:38; 12:49 **8:28:** Joh 3:14; 12:32

juekac. No damenḡ sâc wiac epe bape maname biankeekacte no mi behecnuekac.”

Sâqocne bahuc irec kiḡaḡ qaqa ezo

³⁰ Dâḡ iḡuc mume ḡic bocjahazi manasiḡkembiḡ. ³¹ Eme e manasiḡkembiḡ Judaḡic jaḡe hâcne ziḡuc jazawec: “ḡoḡe nore dâḡko juhuc ine motec fuḡfuḡfâc-nane eniḡmu. ³² Eme nore dâḡ fâri qizecne mana tarapie izi batarac-ḡopame niḡḡiḡ tâmiric sâcne erâ juniḡmu.” ³³ Mume dâḡ ziḡuc bâतिकecnembiḡ: “Nâḡe Abrahamte qâricfâc, mozi mo kiḡaḡ qaqa fâc-ticne bacnâporâ niḡḡiḡ-nâpowecte go ziḡuc mukomec: ‘Niḡḡiḡ tâmiric eniḡmu?’” ³⁴ Eme Jesuzi ziḡuc jazawec: “No jâmbomac jâmbân ḡazakopac, moc e sâqocne baocmuzi sâqocnere kiḡaḡ qaqa eocmu. ³⁵ Kiḡaḡ qaqazi bombon-ticnere fic haeoa hati mi jurâ ju eocmu, ḡokâzi ine mamac-ticnere fic haeo hati jurazihuc juocmu. ³⁶ Irec ḡokâ eki firuec-ḡopame ḡoḡe jâmbomac niḡḡiḡ tâmiric juniḡmu.

Jesure dâḡ qikiḡnerâ Satante ḡic ezo

³⁷ “ḡoḡe Abrahamte qâricfâc, i noni manakopac. Eme ḡoḡe ine dâḡnanezi ḡoḡerao hesowariekacte qâhâmocnuzo muḡḡopieḡ. ³⁸ No Mamac-nanerao wiac honehuc jupo irec hâcne muekopac, â ḡoḡe ine ḡaḡacne mamactaonec wiac manambiḡ i eeḡḡopieḡ.” ³⁹ Mume ziḡuc âzâcnembiḡ: “Nâḡe mamac-

8:29: Joh 8:16; Mat 27:46 **8:30:** Joh 7:31; 10:42; 12:11 **8:33:** Mat 3:9; Neh 9:36 **8:34:** Rom 6:16, 20; Joh I 3:8 **8:35:** Gal 4:30 **8:36:** Rom 6:18, 22

nâñec Abraham.” Eme Jesuzi zîñuc jazawec: “Nõñe Abrahamte qâricfâc jurâ muzac e hawari enzapiñ. ⁴⁰ Anuturao dâñ fâri qizecne manapo i ñazaekopac, ehame ñõñe nuzo mungopien. Wiac inucne Abrahamzi mi ewec. ⁴¹ Nõñe ine ñañacne mañte hata âteenngopien.” Eme jañe mumbin, “Nâñe fiuckonec mi fuamben, Anutu e Mamac-nâñec mocjaha.” ⁴² Mupie Jesuzi zîñuc jazawec: “Mamac-ñeñic Anutu eme muzac, no âgo enarenzapiñ. No Anuturaonec hâcne wahapo, no nahacne mañte mi wahapo, eki sorecnume wahapo. ⁴³ Weninuc erâ jupie dâñnanezi maññeñicko mi huekac? No dâñ mupe ñõñe hazec afec mi manaengopien irec hâcne. ⁴⁴ Nõñe mamac-ñeñic Satañ, eme ere qafenko wiac eenngopien. E mârâc jaha ñic sisipiric juweczi juwareekac. E dâñ fâri qizecne râpeckewecte mañticnao jâmbomac dâñ moc mi fokac. E bureczi nânâ opâ-ticne ewec. E burecñic â burecte mamac. ⁴⁵ No ine dâñ fâri qizecne ñazaekopacte dâñnane qikinñeenngopien. ⁴⁶ Nõñeraonec moczi sâcne nore bahac moc muocmu? Eme no sâc inucnezi dâñ fâri qizecne ñazape wemocte mi mana zakieengopien? ⁴⁷ Moc e Anutire biñe juocmuzi dâñticne manaocmu. Nõñe Anutire biñe mi juengopiente dâñticne qikinñeenngopien.”

Jesure dâñ bajuhuc hâmoc sanañ mi maickezo

8:39: Mat 3:9 **8:41:** Fuf 3:15; Sâc 23:2 **8:42:** Joh I 5:1
8:43: Joh 12:39; Mat 12:34; Rom 8:7 **8:44:** Joh I 3:8-10; Fuf 3:4; Pet II 2:4 **8:45:** Luk 22:67 **8:46:** Kor II 5:21; Pet I 2:22
8:47: Joh 18:37; Joh I 4:6

⁴⁸ Mume Judanĵic jaŋe dâŋ zĩŋuc bâtikiecnembiŋ: “Wiac wemo muenġopeneŋ, go Samaria ŋic, go demonġzi egareekac.” ⁴⁹ Eme Jesuzi zĩŋuc jaza-wec: “No demonġzi mi enareekac, no Mamac-nane sâseekopac, ŋoŋe ine no ba jawa ena-reenġopieŋ. ⁵⁰ No zâŋe biŋe-nanere manabâc erâ mi ŋazakopac. Zâŋe biŋe-nane hewirickerâ irec dâŋne mumu ine mocte gie. ⁵¹ No jâmbomac jâmbâŋ ŋazape mananiŋ: Moc e nore dâŋ ba-juocmuzi hâmoc moc mi maicke-jâmbâŋkeocmu.” ⁵² Inġuc mume Judanĵic jaŋe kecziŋuc mumbiŋ: “Demonġzi egareekac, i jâmbomac. Abraham hâmowec, â porofete jaŋe inġuc jaha hâmombiŋ, ehame go zĩŋuc mukic: ‘Moc e nore dâŋ bajuocmuzi hâmoc moc mi maickeocmu.’ ⁵³ Mamac-nâŋec Abraham e sâkozi hâmowec, eme go ere sâc jâuruzo mukomec? Â porofete jaŋe inġuc jaha wâc hâmombiŋ. Go wemocte sahaġe boc bafekomec?” ⁵⁴ Mupie Jesuzi zĩŋuc jazawec: “No nahac sahaġ-nane bafepe mi sâckeocmu. Mamac-nane jukac, e Anutu-nâŋec mucneenġopieŋ, eki ine muafecnuekac. ⁵⁵ Ŋoŋe e mi mana taraenġopieŋ, no ine mana taraekopac. Irec no weniŋuc mi mana tarakopac mupemu. I mupe burec eme ŋoŋere sâc ezapo. Aricne, no mana tarahuc dâŋticne bajuekopac. ⁵⁶ Mamac-ŋenĵic Abraham e nore zâfo maickeme honeocte aŋac sâko bajuwec. Erâ juku maickeme honerâ zeri ewec.” ⁵⁷ Inġuc mume Judanĵic jaŋe mumbiŋ, “Go jarage 50 mi bazumenġzi Abraham honemenġ me?”

8:48: Joh 7:20; Mar 3:21 **8:50:** Joh 5:41 **8:51:** Joh 5:24; 6:40, 47; 11:25 **8:52:** Mar 9:1 **8:53:** Joh 4:12 **8:55:** Joh 7:28

⁵⁸ Mupie Jesuzi jazawec: “No jâmbomac jâmbân ñazape: No Abraham mi fuarâ juhame jupozi jukopac.” ⁵⁹ Inuc mume qânâ rorâ hezo epie e fosironerâ taha ufunkonec wahawec.

9

Nic zâne tințuț moc ere dân

¹ Jesu e hata rahuc ñic moc nențoc bumanțkonec tințuț fuakicne e bâfuawec. ² Eme motecfâcne jañe wiocnerâ mumbiñ, “Qaqazu, more kiñte tințuț fuawec, e jahacne me nențoc mamac jahere?” ³ Mupie Jesuzi ziñuc jazawec: “Irec aricne, e jahacne kiñte me nențoc mamac jahere kiñte mâcne, Anutu tâpiri-ticnere fuñne erao taniñkeocte inuc fuawec. ⁴ Nâñac sorecnuwec ere gie zoañkoa bahuc junzepeneñ, ñafe fuame gie bapane arictac eocmu. ⁵ No mâreñko jupemu sâc zoctamac-nanezi âke tamae-ñareocmu.” ⁶ Inuc murâ mâreñko tâfeckerâ afe jârickerâ ñic tințuț zâñene ruacnerâ ⁷ ziñuc muhuc sorewec: “Go rarâ Siloam riqicko wânâñge zurec.” (Siloam i nâñacne dânko sorekicne.) Eme ñic e rarâ sahaticne zurehuc zâñe fitâcnewec. ⁸ Inuc erâ risieme âgofâc-ticne jañe, â nânâre numu-jarehuc juwec ñic i jañe mâmâc honerâ wiwioc erâ mumbiñ: “Nânâre numu-nârehuc ñeñerâ juekac e hâcne me?” ⁹ Eme tucnezi mumbiñ, “Ine hâcne.” Â tucnezi mumbiñ, “Aricne, e tinac moc.” Inuc

8:59: Joh 10:31 **9:1:** Apo 3:2; 14:8 **9:2:** Luk 13:2; Wah 20:5
9:3: Joh 11:4 **9:4:** Joh 5:17, 20; 11:9 **9:5:** Joh 8:12; 12:35
9:6: Mar 8:23

mupie e jahac muwec, “No hâcne zi.” ¹⁰ Eme wiocnerâ mumbiņ, “Weniņuc erâ zâņe fitâcnekomec?” ¹¹ Eme jazawec, “Ńic moc zâņene Jesu eki afe jârickerâ zâņe-nane ruacnerâ ziņuc nazajec: ‘Go Siloam riqicko rarâ sahaċge zurec.’ Eme no rarâ sahaċ-nane zurerâ zâņe fiċi epac.” ¹² Iņuc mume wiocnerâ mumbiņ, “Ńic e wena jukac?” Eme muwec, “No mi manakopac.”

Farisaio Ńic jaņe Ńic tiņtuņ ere dâņ mumbiņ

¹³ Eme Ńic tiņtuņ ecnewec e farisaio jaņerao jowa rambiņ. ¹⁴ Eme Jesuzi afe jârickerâ zâņene bâtâcnewec i sabata hombaņko ewec. ¹⁵ Eme farisaio Ńic jaņe iņuc jaha wiocnerâ mumbiņ, “Go weniņuc erâ zâņe fiċi emec?” Mupie ziņuc jazawec: “E zâņe-nane afe ruacneme no ra sahaċ-nane zurerâ zâņe fiċi epac.” ¹⁶ Eme farisaio jaņeraonec ģâcnezi mumbiņ, “Ńic e Anuturaonec aricne, e hombaņ-nâņec ģâsuakac.” ģâcnezi ine mumbiņ, “E hehesic juhuc muzac mâsi iņucne wemocko bazac.” Iņuc muhuc ģaģatarac embiņ. ¹⁷ Ehuc Ńic tiņtuņ ecnewec e indiņkerâ mumbiņ, “Zâņege bâtâcnejec, ģahac ere weniņuc mukic?” Eme muwec, “E porofete.”

¹⁸ Eme Judaniċ jaņe Ńic e jâmbomac zâņe tiņtuņ juku zâņe fiċi ejec, iņuc muhuc manjahec erâ neņĝoc mamac jahec-ticne hefârec-jofarâ ¹⁹ wiojacterâ mumbiņ: “Ńokâ-ņekic tiņtuņ fuawec mukopirec zine hâcne? E weniņuc erâ zâņe fiċi ejec?” ²⁰ Eme neņĝoc mamac jahecne ziņuc mupic: “E Ńokâ-nâhec, i manakoperec, â tiņtuņ

fuawec, i wâc manakoperec. ²¹ Erâ weniñuc erâ zâñe fifi ejec, me mozi zâñene bâtâcnejec, ine mi manakoperec. Wiac e soka-fârekiecne, irec e jahacne wiocnepie fuñne-ticne ñazaoc.” ²² I Judañic jañere hâwic-jofame iñuc mupic. Jañe dâñ zñuc mujomirembiñ: “Moc e Jesure Kristo mume miti sakarecnenzepeneñ.” ²³ Irec hâcne neñgoc mamac jahec-ticne hâwic-jofame zñuc mupic: “E soka tarakicnere e jahacne wiocneniñ.”

²⁴ Eme ñic zâñe tiñtuñ ecnewec e mocwâc hefârerâ zñuc âzâcnemiñ: “Go Anutu mutenkehuc dâñenzañ, nâñe ñic ere fuñne manañgopeneñ, e hehesicne.” ²⁵ Mupie zñuc jazawec: “E ñic hehesicne me mâcne, i mi manakopac. Â tiñtuñ jupozi zâñe fifi epac, ine mana-jâmbâñkekopac.” ²⁶ Mume harierâ wiocnemiñ, “Weniñuc egarejec, weniñuc erâ zâñege bâtâcnejec?” ²⁷ Mupie zñuc jazawec: “No ñazapac i, ñoñe ine mi manambienñ; wemocte hâsine ñazape mananiñte muñgopienñ? Ñoñe motecfâcne ezo muñgopienñ me?” ²⁸ Iñuc mume haneckerâ mumbiñ, “Go hâcne motec-ticne, nâñe ine Mosere motecfâc. ²⁹ Mose e Anutuzi dâñ âzâcnewec, i manañgopeneñ, â ñic e irec me irec fuarâ warewec ine mi manañgopeneñ.” ³⁰ Mupie ñiczi dâñ zñuc bâtikie-jarewec: “Zâñe-nane bâtâcnejec ere fufuare kâuc bapie warec-ñopakopac. ³¹ Nâñac kecziñuc manañgopeneñ: Anutu e ñic hehesicne mi bafic-jopaekac, moc e arañ bacnehuc micne reñkeme bafickeocmu. ³² Â

9:22: Joh 7:13; 12:42; 16:2
Muq 15:29; Apo 10:35

9:24: Jos 7:19

9:31: Jes 1:15;

ņic moczi tiņtuņ fuakicne moc zâņe fifi bawec, biņe iņucne mâreņ fufuaonecteaņ moc mi mana wefukicne. ³³ Irec ñic e Anuturaonec mi waharâ muzac, gie iņucne wemocko bazac.” ³⁴ Mume ziņuc âzâcnembiņ: “Sâqoc qaqocne fuakicne go iņucnezi miti qazu-nârekomec me?” Iņuc murâ tuņkembij.

Jesu mi manasiņkehuc maņ tiņtuņ juzo

³⁵ Tuņkepie Jesuzi manawec. Erâ bâfuarâ wiocnerâ muwec, “Go Ñic Fâri Wâtuņņe e manasiņkecomec?” ³⁶ Eme ñiczi muwec, “Wofuņ go mukomec e mo? Nowatutec hone tararâ manasiņkepe.” ³⁷ Mume Jesuzi ziņuc âzâcnewec: “Â go honemec, dâņ gazakopac no hâcne ine.” ³⁸ Eme ñiczi muwec, “Wofuņ, no manasiņgukopac”, iņuc murâ kikefuņnao fodapewec. ³⁹ Eme Jesuzi muwec, “No ñic fuņne-ņeņic bajanņeņkepemurâ mâreņko wahapo. Eme irec tiņtuņzi zâņe fifi enzepieņ â zâņe fifizi tiņtuņ enzepieņ.” ⁴⁰ Iņuc mume farisaio ñic mâmâc domambiņ jaņe manarâ mumbiņ, “Â nâņe tiņtuņ me?” ⁴¹ Mupie Jesuzi jazawec: “Ñoņe tiņtuņ jurâ muzac kiņ tâmiric enzapiņ. Ñaņac muenņopieņ, ‘Nâņe zâņe fifi’, irec kiņ foņareocmu.”

10

Lama jaņe soņaņ-jeņicte dâņ manaenņopieņ

¹ Jesuzi dâņ ziņuc muwec: “No jâmbomac jâmbâņ ņazape mananiņ, moc e lama jaņere

9:33: Joh 9:16 **9:34:** Joh 9:2; Mi Mâ 51:5 **9:37:** Joh 4:26; 10:25 **9:39:** Mat 13:11–15 **9:40:** Mat 15:14; 23:26 **9:41:** Muq 26:12

sapao feocte motâcko mi razihuc mocko sac huckerâ huocmu, ere fiuc roro â soronj qaqa muzo. ² Moc e motâcko razirâ feocmu, ere ine lama sonan-jenjc muzo. ³ E fisime motâc sonanji honerâ motâc rocneocmu â lama janje dân hawariticne mananişmu. Eme lamafâc-ticne janjere zâne wirahuc sapaonec jowac-jopa wahaocmu. ⁴ E jahacne binefâc jowac-jopa-fâreme waharâ, dân hawariticne manaengopienje bâjâpenişmu. ⁵ Njic furune moc e ine mi bâjâpenişmu, e dân hawariticne kâuc bahuc hâhâwic bacnerâ wisenişmu.” ⁶ Jesu e dân sunşunje inuc mume janje wenişucte inuc mukac muhuc kâuc bambiş.

Jesu e motâc

⁷ Eme Jesu e harierâ jazawec, “Jâmbomac jâmbân nâzape mananiş, lama janjeroo fefe irec motâc no. ⁸ No mi fuahape fuambiş janje ine fiuc roro â soronj qaqa. Irec lama janje dânjenjc mi manambiş. ⁹ Motâc no hâcne. Moc e fotâcnurâ raziocmu, e mi sipirickeocmu. E razic wefuc ehuc nânâ mâriri bâfuaocmu. ¹⁰ Fiuc roro e lama qa sipiric erâ fiuc bawiseocte sawa fisiekac. No ine lama janje juhâc qâhâmonişte nânâ bâfuape qaşqaş qâriaş fojareocte fisipo.

Jesu e sonan bianje

¹¹ “No sonan bianje. Sonan bianjezi lama janjere erâ juju-ticne qikişneocmu. ¹² Sonan jabane, lama rujenjc mi juekaczi ine kâte qâto

10:5: Joh 10:27 **10:6:** Joh 16:25 **10:7:** Mi Mâ 118:20; Joh 14:6; Mat 7:13, 14 **10:8:** Jer 23:1, 2 **10:9:** Mi Mâ 118:20; Joh 14:6; Kor I 3:15 **10:11:** Mi Mâ 23:1; Luk 15:4-7

fisime honerâ lama behec-joparâ wiseocmu. Ehame kâte qâtozi lama ki bătâtiec ejareocmu. ¹³ E soᅇaᅇ jabanere lama jaᅇere manabâc mi eocmu. ¹⁴ No ine soᅇaᅇ bianᅇe juekopac, eme Mamac â no hohonec mamananac eekoperec, ¹⁵ irec sâcko no â gurufâc-nane hohonec mamananac eengopeneᅇ. Irec no lama jaᅇere erâ juju-nane qikiᅇnepemu. ¹⁶ No lamafâc-nane guru moc juᅇgopieᅇ, jaᅇe sapa zirecnec mâcne, eme no jaᅇe wâc mâmâc amec-jopa warepe dâᅇnane mananiᅇmu. Eme lamazi guru mocjaha â soᅇaᅇzi wâc mocjaha iᅇuc fuaocmu. ¹⁷ No juju-nane qikiᅇnerâ mocwâc ropemu, irec Mamaczi nore ecneekac. ¹⁸ Juju-nane moczi mi nowac roocmu, i no nahacne maᅇte qikiᅇnepemu. No juju-nane qikiᅇnepemurâ â ropemurâ irec tâpiri mâmâc fonarekac. Iᅇuc epemurâ Mamac-nanezi munarewec.”

¹⁹ Jesu e dâᅇ iᅇuc mume Judaniᅇ jaᅇe manarâ mocwâc mu qaᅇatarac embiᅇ. ²⁰ Ehuc bocjahazi ziᅇuc mumbiᅇ: “E demonᅇzi ecneme maᅇne sifuckekac, dâᅇ mume wemocte manahuc juᅇgopieᅇ.” ²¹ Gâcnezi ine ziᅇuc mumbiᅇ: “Demoneᅇczi dâᅇ iᅇucne mi muocmu, me demonᅇ moczi ᅇic tiᅇtuᅇ jaᅇere zâᅇe sâcne bătâcneocmu me?”

Jesure meonec lamafâcne babatarac-jopane mi

10:12: Jes 40:11; Ezek 34:11–23; 37:24; Joh 15:13; Mat 10:16; Apo 20:29; Tit 1:11; Pet I 5:2, 3 **10:14:** Tim II 2:19 **10:15:** Mat 11:27 **10:16:** Ezek 37:24; 34:23; Joh 11:52; Pet I 2:25; Efe 4:5
10:17: Fil 2:8, 9 **10:18:** Joh 5:26; 19:11 **10:19:** Joh 7:43; 9:16 **10:20:** Joh 7:20; 8:48; Mar 3:21

fokac

²² Judanjic taha ufuñ jambuñkembij irec jara hombanj i māmâteñ damenjo maickeme ²³ Jesu e taha ufuñ irec mañne moc zâñene Salomo ira rac warec ehuc juhame ²⁴ Judanjic jañe orânkerâ zinjuc muhuc âzâcnembiñ: “Go wemocte fuñnege hesonketec manjahec boc eenjopenen? Go Kristo jukomecko mutaniñkerâ nâzâc me!” ²⁵ Eme Jesuzi zinjuc jazawec: “No ñazape mi mana zakieñgopien. Mamac-nanere micte gie baekopac izi mutaniñnuekac. ²⁶ Â ñoñe ine lamafâc-nane mi erâ juñgopiente dânñane mi mana zakieñgopien. ²⁷ Lamafâc-nane erâ juñgopien jañe dânñane manaengopien. Eme noni mana tarac-jopahape bâjâpecnuengopien. ²⁸ Eme juju sanaj bâfua-jarepe sisipiric tâmiric jurazihuc juniñmu. Jañe nore meonec moczi batarac-jopane mi fokac. ²⁹ Mamac-nanezi norao râec-jopawec e ñic â wiac sasawa qâhuc-jopa-fârekac. Eme jañe moczi Mamac-nanere meonec sâcne mi batarac-jopaocmu. ³⁰ No â Mamac nâhe mocjaha.”

Jesu e Judanjic gie-ticnere jazawec

³¹ Injuc mume Judanjic jañe qânâ ameckerâ hezo embij. ³² Injuc epie Jesuzi zinjuc jazawec: “Gie bianne fuñne fuñne Mamacte ñesinjo bape honembien, eme ñoñe wenimo irec qânâzi hecnuzo engopien?” ³³ Eme Judanjic jañe micnao

10:23: Apo 3:11; 5:12 **10:24:** Luk 22:67 **10:25:** Joh 4:26; 5:36; 9:37 **10:26:** Joh 6:64; 8:45 **10:27:** Joh 8:47; 10:3, 4
10:28: Joh 5:28; 6:39; 17:12; 18:9 **10:31:** Joh 8:59

rorâ zîꝋuc âzâcnembiꝋ: “Gie bianꝋe baekic irec mâtne, go ñic jaha juekiczi Anutu âkehochehuc gahacnere Anutu muekic, irec qânâzi hecguzo muꝋgopenenꝋ.” ³⁴ Inꝋuc mupie Jesuzi zîꝋuc jaza-wec: “Sâcmutât dâꝋꝋenꝋicko zîꝋuc mukicne: ‘Noni mupo, ñoꝋe nemu’.* ³⁵ Eme mitire dâꝋqârenꝋ i âke sipuhuc moc mumune mi fokac. Erâ Anuture dâꝋ fua-jare jujec inꝋucne mac jaꝋe nemu mujarewec. ³⁶ Ehame zi ine no Mamaczi mutiricnurâ sorecnume wahapozi ‘no Anuture Nôkâ’ inꝋuc mupe ñoꝋe wemocte muꝋgopienꝋ, ‘Go Anutu âkehočekic?’ ³⁷ Gie baekopac i honepie Mamac-nanere sâc mi eekacko dâꝋꝋnane qikiꝋꝋenie sâckeocmu. ³⁸ Me honepie Mamac-nanere sâc eekacko ine dâꝋꝋnanere mâtne, gie bapa-nanere erâ zâꝋꝋitacnunzepienꝋ, ehuc Mamaczi no maꝋꝋnuekac â noni Mamac maꝋꝋkeekopac irec fuꝋꝋne mana taraꝋzepienꝋ.” ³⁹ Inꝋuc mume kâpâcwârû bazo ehuc bârucnepie rawec.

⁴⁰ Eme Jesu e Jordanꝋ opâ ocniꝋucnao Johanezi mârâc fuꝋkerâ ñic opâ rua-jare jujecko ra juwec. ⁴¹ Ira juhame ñic bocjahazi erao fisirâ dâꝋ zîꝋuc mumbiꝋ: “Johane e mâsi bapa i mi bawec, â ñic keczirec dâꝋ muwec ine fidetenꝋ efârekac.” ⁴² Eme mârenꝋ ira bocjahazi Jesu manasiꝋkembîꝋ.

11

Lazaro hâmwec

10:33: Joh 5:18; Mat 26:65 * **10:34:** Mi Mâ 82:6 **10:35:** Mat 5:17, 18 **10:36:** Joh 5:17–20 **10:39:** Joh 8:59; Luk 4:30
10:40: Joh 1:28 **10:42:** Joh 8:30

¹ Betania haeo ñic moc juwec zâñene Lazaro, e huc bame fowec. Maria â Mata jahe hahac qozi hae irecteañ. ² Maria eki hâcne Wofuñ opâ âsu bian ruacnerâ qizec susuc-ticnezi kikene bâkerenkwec. Qaticne Lazaro hâcne huc fowec. ³ Eme jahe hahac qozi Jesurao dâñ kecziñuc muhuc râepire rawec: “Wofuñ go manac, âgoge huc fokac.” ⁴ Eme Jesuzi biñe manarâ ziñuc muwec: “Huc irec fârine hâmoc fuaocte mâcne, Anutire mumuteñ fuaocte mukicne. Anutu Njokâ-ticne ere sambâñ qâreñ fua taniñkeocte hâcne.”

⁵ Mata â qoticne â Lazaro jañere Jesuzi ecnewec. ⁶ Eme hucte biñe manarâ juweckoa gie bapa jajahec mocwâc juwec. ⁷ Inuc jurâ motecfâcne ziñuc jazawec: “Warepie Judaia mâreñko risie ranañ.” ⁸ Mume motecfâcne jañe ziñuc âzâcnembiñ: “Qaqazu, Judañic jañe juc bânic moc ira qânâzi hecguzo mumbiñ, eme zi wemocte jañerao mocwâc risiezo mukic?” ⁹ Mupie Jesuzi ziñuc jazawec: “Gie bapa damen aua 12 fokac i! Moc e zoaño hata rahame wiac moczi he âkec mi ecneocmu, e tatamacko wiac sâcne honeocmu. ¹⁰ Moc e ñafeo tatamac basahuc hata rahame ine he âkec ecneocmu.” ¹¹ Inuc murâ dâñ moc ziñuc zuhuckewec: “Âgo-nâñec Lazaro guñ fokac, eme no rarâ wiwickepemu.” ¹² Eme motec jañe ziñuc mumbiñ: “Wofuñ, guñ fohuc biankeocmu.” ¹³ Jesu e hâmocte dâñ suñsuñe

11:1: Luk 10:38, 39 **11:2:** Joh 12:3 **11:4:** Joh 9:3 **11:8:** Joh 8:59; 10:31 **11:9:** Joh 9:4, 5; Joh I 2:10 **11:10:** Joh 12:35; Joh I 2:11 **11:11:** Mat 9:24; Luk 8:52

mume jaņe guņ jâmbâņte mukac muhuc mi mana-hâmombiņ. ¹⁴ Irec Jesuzi muq̄aq̄ackerâ jazawec, “Lazaro hâmojec. ¹⁵ No ira mi ra juhape hâmojecte ņoņere erâ bunane bianķekac, ņoņe mamasiniņ fârihec eniņte wiac i fuajec. 3i ine erao ranaņ.” ¹⁶ Eme Toma, zâņene moc Didimo, eki motec âgofâcne ziņuc jazawec: “Nâņac mâmâc rarâ ehac hâmonzepeneņ.”

Jesu e qâqâre â juju rune

¹⁷ Lazaro zâņeruņko fohame zoaņ gie bapa jahec â jahec ehame Jesu ra fisiwec. ¹⁸ Betania hae i Jerusalem hae irec razimicne bembenķo ņewecte ¹⁹ irecnec Judaniķ bocjahazi Mata â Maria q̄q̄ekic hâmowecte soņgâņ fâsâc honec-jofazo rambiņ. ²⁰ Eme Mata e Jesu fisikac mupie manarâ Maria ficko ņehame ra hatao bâfuawec. ²¹ Bâfuarâ ziņuc âzâcnewec: “Wofuņ, go zira jutec muzac qanane mi hâmozac. ²² Erâ ziņuczia gore wâc manakopac, wiac irec me irec Anutu numucnetec mana-gareocmu.” ²³ Eme Jesuzi ziņuc âzâcnewec: “Qage qârerâ fahareocmu.” ²⁴ Mume Matazi ziņuc muwec: “Juku damenĵ sâkoo qârerâ fahareocmu i manakopac.” ²⁵ Eme Jesuzi ziņuc âzâcnewec: “Qâqâre â juju rune no, irec moc e no manasiņnuocmuzi hâmo-bipierâ juocmu, ²⁶ â moc e qâricne juhuc manasiņnuocmuzi hâhâmo tâmiric jurazihuc juocmu sanaņ. Go dâņ i mana zakiekomec?” ²⁷ Eme Matazi muwec: “Go

11:16: Mar 10:32; 14:31 **11:21:** Joh 3:32 **11:24:** Joh 5:29; 6:40; Luk 14:14 **11:26:** Joh 5:24; 8:51

Kristo Anuture Nokâzi mârenko wahaocte mukicne hâcne, i mañnanezi mana zakiekopac.”

²⁸ Dâñ inuc murâ qoticne Maria wiracnerâ sanucko zinjuc âzâcnewec: “Qaqazu warejec gore mukac.” ²⁹ Eme Mariazi manarâ izia faharerâ Jesurao rawec. ³⁰ Jesu e hae upeo Mata dâñ âzâcneweckoa domawec. ³¹ Eme Maria e biac faharerâ rame Judanjic songânte ficticnao ñembinj jaje zâñerunjo kioocte rakac muhuc bâjâpembinj. ³² Eme Maria e hae upeo hurâ Jesu honerâ kikefunao fodaperâ zinjuc âzâcnewec: “Wofun, go zira jutec muzac qanane mi hâmozac.” ³³ Inuc murâ kiome Judanjic bâjâpembinj jaje e bafickerâ mâmâc kiombinj. Kiopie Jesuzi honec-joparâ mana hâtâwehuc gâgâmârâwec.

Lazaro bâqârewec

³⁴ Inuc erâ wio-jarewec, “Wena duckembienj?” Eme jaje mumbinj, “Wofun ware honec.” ³⁵ Eme Jesu zâñene ruruame zâñeucne wahawec. ³⁶ Eme Judanjic jaje honerâ mumbinj, “Honeninj, mañne ere mo inucne domawec.” ³⁷ Â gâcnezi mumbinj, “Tinjtuñ moc zâñene bâtâcneweczi ñic keczi sâcne mi bâpiankeme qiqic qazac me?” ³⁸ Eme Jesuzi bune mocwâc hâhâtâwehame zâñerunjo ra fisiwec. Qâñqâñ e qânâ hawecko fowec, motâcne qânâ kâcçenezi âke bâzickekicne. ³⁹ Irec Jesuzi zinjuc muwec: “Qânâ bârârieninj.” Mume hâmocnere hañac Mata eki muwec: “Wofun, zoañ gie bapa jahec â jahec fowecte âsu

fikac.” ⁴⁰ Mume Jesuzi zîjuc âzâcnewec: “Dâj gazape mi manamec, go manasiñnutec Anutu tâpiri-ticnere qâreñ fuame honecmu.” ⁴¹ Eme qânâ bârâriepie Jesuzi faic fime fehame zîjuc numuwec: “Mamac, go nunumu-nane manamecte danje gazakopac. ⁴² Go nunumu-nane damenj sâc manaekic i manakopac. No mâc ñic zî doma ranjopienj jañe goki sorecñutec wahapo i manjenjiczi mana zakieniñte dâj inuc gazakopac.” ⁴³ Inuc murâ hahanje bahuc wirawec, “Lazaro go wahac.” ⁴⁴ Mume hâmokicnezi wahawec. Me kikene qoruczi qâfisekicne â zâñe maine qoruczi fonjekicne, irec Jesuzi zîjuc jazawec: “Qoruc goronjkepie raoc.”

Jesu e hâmoocte mupanjembij

(Mat 26:1–5; Mar 14:1–2; Luk 22:1–2)

⁴⁵ Judanjic Mariarao fisimbij jañeraonec bocjahazi Jesu wiac eme honerâ e manasiñkembij. ⁴⁶ Gâcnezi ine farisaio ñic jañerao rarâ Jesuzi wiac ewec irec dâj binañ ejarembij. ⁴⁷ Eme taha bapa micne â farisaio ñic jañe dâj i manarâ micne bapa hefârec-joparâ zîjuc mumbij: “Ñic e mâsi bocjaha bakacte wenac enañ? ⁴⁸ Nâñac qâoma ecnehuc juhapene ñic jañe erao qohota-fârepie Romanjic jañe râsi enârerâ mâreñ â ñic nâwoc rofâreniñmu.” ⁴⁹ Eme jañere âgo moc, zâñene Kaifa, jara damenj ira taha bapa sâko juwec, eki zîjuc muwec: “Ñoñe mañ mamasasu tâmiric junjopienj, ⁵⁰ erâ zîjuc wâc mi mananjopienj: Njicguru nâñac sipiricke-fârenzipeñte mocjahazi

11:39: Joh 20:1 **11:40:** Joh 4:23, 25, 26 **11:42:** Joh 12:30

11:45: Luk 16:31; Joh 10:42; 12:42

âkehoc-nâpohuc hâmomme izi ñeje wâc bafic-
 ñopaocmu.” ⁵¹ Dâñ i mañticnere mi muwec, e
 jara dameñ ira taha bapa sâko juwecte fiñdanđan
 muwec. Jesu e jâmbomac ñic jañere erâ hâmoocce
 mucnekicne, ⁵² erâ Judañic jañere sawa mâcne,
 Anutire naru motecfâc mâreñ sâc juranğopien
 jañe mâmâc bătumañ-jopame guru mocjaha erâ
 juniñte inuc mucnekicne. ⁵³ Eme micne bapa
 jañe zoañ gie bapa ira hâcne Jesu qaniñte dângie
 funkembijn. ⁵⁴ Irec Jesu e Judañic jañerao mocwâc
 mi fua tâcnerâ juwec, e mâreñ burocne irec mec-
 qañeñao hae moc ñewec, Eferaim, ira motecfâcne
 rocjopame ra jumbijn.

⁵⁵ Eme Judañic aakic hombañ-jeñic bem-
 beñkehame hae pitickonec ñic bocjahazi ba-
 hac wâwânânñ gie-jeñic baniñte biac bânierâ
 Jerusalem haeo rambijn. ⁵⁶ Eme taha ufunko Jesu
 basarâ zinjuc muhuc nazañ gazañ embijn: “Ñeje
 wenijnuc muñgopien, e hombañte wareocmu me
 mâcne?” ⁵⁷ Taha bapa micne â farisaio ñic jañe
 ine mumupañ dâñ zinjuc mumbijn: “Moc e ñeje
 juju-ticne honerâ ware mufua-nâreme kâpâcwârú
 banzepeñeñ.”

12

Maria e Jesu opâ âsu bian ruacnewec (Mat 26:6–13; Mar 14:3–9)

¹ Aakic hombañ juwicnao zoañ gie bapa 6
 fohame Jesuzi Betania haeo ra fisiwec. E hae ira

11:50: Joh 18:14 **11:51:** Fuf 50:20; Wah 28:30; 3ar 27:21

11:52: Joh 10:16; Joh I 2:2; Mat 12:30 **11:55:** Bin II 30:17;
 Mar 10:32; Apo 21:24, 26

hâcne Lazaro hâmockonec bâqârewec. ² Eme Jesu tiwâ bâzi rikecnepie Matazi râe bâmoc ejareme Lazarohec mâmâc ñehuc nâmbiñ. ³ Ñehapie Mari-azi kiruñ moc opâ âsu bianñ furi sâko jâmbânñ i rorâ Jesu kikene ruacnerâ qizec susuc-ticnezi bâkerenñkewec. Eme fic âsu bianñ fifârewec. ⁴ Eme motec jañere âgo moc Juda Karioto haeonec docbapa ñic, eki zîñuc muwec: ⁵ “Opâ âsu izi 30 kina kitâcneme ñic hapetac jarepene sâckezac me!” ⁶ E dâñ i hapetac jañere manasuhuc mi muwec, e moneñ kânõñ wirec-jeñic bajuhuc moneñ hume ro soñsoñ ejujec, irec muwec. ⁷ Eme Jesuzi muwec, “Ñõñe ñokac dâñ mi mucneniñ, e opâ âsu i sa hac-nane ruacneme hâmope ducnuniñte irec biñe hâcne bajuwec. ⁸ Ñic hapetac dameñ sâc ñoñerao juhuc juniñmu, no ine ñoñerao boc mi jupemu.”

⁹ Eme Judaniñ bocjaha jañe hae ira jume manarâ ijaha fisimbiñ. Erâ Jesure sawa mâcne, Lazaro hâmockonec bâqârewec e mâmâc honeniñte fisimbiñ. ¹⁰ Eme irec taha bapa micne jañe Lazaro mâmâc qaniñte dâñgie bambiñ. ¹¹ Judaniñ bocjahazi ere erâ rarâ Jesurao qohotambiñte iñuc embiñ.

Jesu Jerusalem haeo feme ofac hecnembiñ
(*Mat 21:1–11; Mar 11:1–10; Luk 19:29–40*)

¹² Hae fureme ñic guru sâko hombañte biac Jerusalem haeo fisimbiñ jañe dâñ biñe zîñuc manambiñ: “Jesu warehuc jukac.” ¹³ Dâñ i manarâ zariñ bazu amec erâ hatao bâfuaniñte rambiñ.

Erâ bâfuarâ ofac hecnehuc ziņuc mumbiņ: “Ohec, Wofunțe micte ware-nârekac e mumbianķenaņ, Israe ņicwofuņ ohec!” ¹⁴ Jesu e doņgi motecne bâfuacnepie fainao ņehuc rawec. I findaņdâņ kecziņuc fokac irec sâcko ewec:

¹⁵ “Ziņte otâ, go mi hâwicguoc; manakic, ņicwofuņgezi fakac, doņgi motecnere âsio fakac.”

¹⁶ Dâņ i motecfâc-ticne jaņe mârâc mi mana-hâmombiņ. Juku Jesu sambâņ tatamac-ticnao risie feme dâņ irec manasurâ ziņuc mana tarambiņ: I ere qâreņķekicnere sâc ijaha ecnembij.

¹⁷ Jesu e Lazaro wiracneme zâņerunķonec wahame honembij ņic guru sâko i jaņe gâcne dâņ binaņ ejarembij. ¹⁸ Eme mâsi irec biņe manambijte bocjahazi hatao ra bâfuambij hâcne.

¹⁹ Eme farisaio ņic jaņe jaņackoaņ ziņuc muhuc muc manac embij: “Manaņgopieņ, ņoņe dâņgie bâipiehapie ņic mâmâc sasawa erao qohotafâreņgopieņ ine!”

Jesu hâmome huriri qâreņ-ticne fuaocte mukicne

²⁰ Judanjic hombaņte Jerusalem haeo fisimbij jaņere ņondenķo Griķņic qâpuc moc moc mâmâc juhuc Anutu mai ecnembij. ²¹ Eme jaņe Filipo Besaida haeonec Galilaia mâreņķonec erao rarâ ziņuc âzâcnembij: “ņicbomboņ, nâņe Jesu honezo muņgopeneņ.” ²² Mupie Filipozi Anderea âzâcneme mâmâc Jesurao rarâ dâņ i âzâcnepic.

12:13: Mi Mâ 118:25, 26

12:14: 3ek 9:9

12:16: Joh 7:39

12:19: Joh 11:48

12:20: Joh 7:35; 11:55

12:21: Joh 1:44;

Luk 19:3; 23:8

23 Âzâcnepire zîñuc muwec: “Ñic Fâri Wâtunje huriri qâreñ-ticne fua tâcneocne zâfo maickekac hâcne. 24 Jâmbomac jâmbân ñazape mananiñ, jacgoñ hândân e mâreñko mi hurâ mâc foku focmu, mâreñte nânâ eme ine fârine bocjaha fuaocmu. 25 Moc e juju-ticne âgo ecneme sifuck-ecneocmu, moc e mâreñko juhuc juju-ticne râsi ecneme juju sanante biñe focneocmu. 26 Moc e nore kiñañ qaqa ezo murâ bâjâpecnuzejec, eme no jupemuoa kiñañ qaqa-nanezi juocmu. Moc e no kiñañ qanareocmu, e Mamac-nanezi erickeocmu. 27 Zi maññane fâfârerâ qarac qarac qakac. Ehame weniñuc mupemu? ‘Mamac go dameñ maicnukac i bâsuec’ iñuc mupe? Misac, iñuc aricne, dameñ i hâcne maicnuocne mukicne. 28 Irec Mamac go mutec zâñe biñegere huriri qâreñ fua tâcnezejec.” Mume sambânkonec dân zîñuc wahawec: “I huriri qâreñ-ticne fuawec erâ huriri qâreñ jaha fua raocmu.” 29 Eme ñicguru domambiñ jañe manarâ mumbiñ, “Quñ hejec.” Â gâcnezi mumbiñ, “Añelo moczi dân âzâcnejec.” 30 Mupie Jesuzi micjeñicko rorâ zîñuc jazawec: “Dân i nahacnere mâcne, ñoñere erâ fuajec. 31 Zi mâreñko ââke râwiñ dameñ maickekacte mâreñ zirec ñicbomboñ e hetunkezo. 32 Mâreñkonec bâfeñnupie mâreñ sâc ñic fârec-jopape norao fisiniñmu.” 33 I hâmoc weniñucne hâmoocmu irec

12:24: Rom 14:9; Kor I 15:36 **12:25:** Mat 10:39; Luk 14:26; 17:33 **12:26:** Joh 14:3; 17:24 **12:27:** Mi Mâ 6:3; 42:5; Mat 26:38 **12:28:** Joh 1:51; 5:37; Mat 3:17; 17:5 **12:29:** Luk 22:43
12:30: Joh 11:42 **12:31:** Joh 14:30; 16:11; Luk 10:18 **12:32:** Joh 8:28

dâñ suñsuñe inçuc muwec. ³⁴ Mume ñicguru domambin jañe zinçuc âzâcnembin: “Nâñe mitio dâñ keczinçuc manaençgopenenç: Kristo e mi hâmoñuc jurazihuc juocmu. Eme goki wemocte zinçuc mukic: ‘Ñic Fâri Wâtuñe e bâfeñneniñmu?’ Ñic Fâri Wâtuñe e mo?” ³⁵ Eme Jesuzi dâñ zinçuc bâतिकie-jarewec: “Zoctamac e ñondenç-ñenicko dameñ bembenç mac tamaeocmu. Irec dapâczi foñopazacte zoctamac foñarehame e maickerâ junzepienç. Moc e dapâcko rahuc hata mi hone taraocmu. ³⁶ Irec zoctamac foñarehame mañzi sakarehuc kikefunçfâc-ticne enzepienç.” Jesu e dâñ inçuc murâ ra soñsoñko juwec.

Judañic mañsanañ-jeñicte miti qikiñnembin

³⁷ Jesu e mâsi funçne zâñe fai-jeñicko bame honebipiehuc sifu erao mi roweckembinç. ³⁸ I porofete Jesajare dâñ sanañkeocte inçuc embinç. E dâñ zinçuc qârençkewec:

“Wofunç, biñedânge mupene mozi mana zakieekac?

Â Wofunçte me i morao fua taniñkeekac?”

³⁹ Erâ Jesure dâñ mi mana zakiembinç i Jesajare dâñqârenç moc fokacte embinç ine keczinçuc:

⁴⁰ “E zâñe-jeñic tinçtuñ barâ mañjeñic bâzickewec, jañe zâñezi wiac hone taranzipiñte,

â mañzi wiac mana taranzipiñte,

ehuc mañjeñic bârisiepie bâpianç-jopazipore.”

12:34: Mi Mâ 110:4; Jes 9:7; Dan 7:14 **12:35:** Joh 8:12; 9:5; 11:10 **12:36:** Efe 5:8; Mat 23:39 **12:38:** Jes 53:1; Rom 10:16
12:39: Jes 6:9, 10; Mat 13:14, 15

⁴¹ Jesaja dâŋ muwec, i Jesu sambâŋ tatamac-ticne honerâ muwec. ⁴² Eme micne bapa jaŋeraonec gâcne jaŋe Jesu manasiŋkemiŋ wâc. Erâ mufuapie farisaio jaŋe miti sakare-jareziŋte hâwic-jopame hesoŋkemiŋ. ⁴³ Jaŋe zâŋe biŋe-jeŋic ŋic jaŋerao waha qaqane ezacte manapie ŋemâckewec, â Anuturao waha qaqane ezacte manapie afeckewec.

Jesure dâŋ manahuc Mamac-ticnere dâŋ man-azo

⁴⁴ Jesu e hahajŋe bahuc dâŋ ziŋuc muwec: “Moc e no manasiŋnuocmu, e no sawa mâcne, sorecnuwec e mâmâc manasiŋkeocmu. ⁴⁵ Â moc e no honecnuocmuzi sorecnuwec e mâmâc honeocmu. ⁴⁶ No zoc tatamaczi mâreŋko wahapo, eme moc e no manasiŋnuocmuzi dapâckonec we-fuocmu. ⁴⁷ Moc e dâŋnane manarâ beheme okacne mi râcnepemu, no ŋic okacne jarepemu-râ mâcne, bâpiaŋ-jopapemu-râ wahapo. ⁴⁸ Moc e no qikiŋnuhuc dâŋnane beheocmu, e mumutara fuacneocmu, dâŋ muekopac izi juku damen sâkoo mumutara ecneocmu. ⁴⁹ No dâŋ i no nahacne maŋte mi muekopac, Mamac sorecnuwec e jahac dâŋ mufuapemu-râ sâcmutâc enarewec. ⁵⁰ Erâ no manakopac, micdâŋ-ticnezi juju sanaj bâfuaekac. Dâŋ muekopac i Mamaczi mutâcne-narewec sâc muekopac.”

12:41: Jes 6:1 **12:42:** Joh 7:48; 9:22 **12:43:** Joh 5:44

12:44: Mat 10:40 **12:45:** Joh 14:9 **12:46:** Joh 8:12; 12:35

12:47: Joh 3:17; 8:15; Luk 9:56 **12:48:** Heb 4:12; Bar 19:15

12:50: Joh 8:26, 28

13

Jesuzi motecfâcne kike zure-jarewec

¹ Aakic hombanj maickehame Jesuzi e jahacnere zinjuc manawec: No mârenj beherâ Mactao risie fepemurâ damenj bemberjekac. Injuc manarâ mârenjko wiacfâc-ticne manjaun ejarewec, i ejare tarahuc hâmoocete muwec. ² Eme ñafere nânâ nâninje tumañnehapie wiac keczinjuc fuawec: Simonj ñokâ-ticne Juda, Karioto haeonec, e Jesu doc baocte Satanji mañticnao qafenj râewec. ³ Â Jesu e zinjuc manawec: Mamac e wiac sasawa furu qârârie-narekac, eme no Anuturaonec wahapozi mocwâc Anuturao risie fepemu. ⁴ Fuñne injuc manahuc nânâ nâhuc ñembinjonec faharerâ ñaqi zora faine i hetararâ gie qoruc jomawec. ⁵ Erâ opâ râqâcko qame hume fuñkerâ motecfâcne kike zure-jarewec. Ehuc gie qoruczi bâkerenje-jarewec. ⁶ Ejare raku Simonj Petorora o fisime zinjuc âzâcnewec: “Go Wofuñzi kike-nane zurezo mukic me?” ⁷ Mume Jesuzi zinjuc âzâcnewec: “Wiac ekopac irec fuñne zinjuczia mi manakomec, juku zâhecko manacmu.” ⁸ Eme Petorozi zinjuc muwec: “Aricne, go kike-nane mi zure-jâmbânkecmu.” Mume Jesuzi zinjuc âzâcnewec: “Noni mi zurecgupe nohec mañ zuzuhuc mi jucmu.” ⁹ Eme Petorozi zinjuc muwec: “Wofuñ, murâ kike-nane sawa mâcne, me qizec-nane mâmâc zurec.” ¹⁰ Mume Jesuzi

13:1: Joh 7:30; 8:20; 15:13; Gal 2:20; Joh I 3:16 **13:2:** Luk 22:3

13:3: Joh 3:35; 16:28; 17:2 **13:4:** Mat 11:29; 20:28; Luk 12:37

13:6: Pet I 5:3 **13:8:** Joh 13:12

ziñuc âzâcnewec: “Moc e opâ ruarâ zâhec kike-ticne sawa zureme sahacne qaqaacne fofâreocmu, eme ñoñe iñuc jaha qaqaackembiñ, erâ qaqaacnea mi jufâreñgopienj.” ¹¹ E doc bapa-ticne mana tarahuc ziñuc jazawec: “Ñoñe qaqaacnea mi jufâreñgopienj.”

Kike zuzurere fuñe jazawec

¹² Kike- jenjic zure- fârerâ ñaqi zora- ticne mocwâc heme hume waha ñehuc ziñuc jazawec: “No wiac eñarepac irec fuñe manañgopienj me? ¹³ Ñoñe Qaqazu â Wofuñ munareñgopienj, erâ iñenjic jukopacte sâcne munareñgopienj. ¹⁴ Eme no Wofuñ â Qaqazu-ñenjiczi kike-ñenjic zure-ñarepacte ñañaczia iñuc jaha kike zuzurec erahuc jupie sâckezejec. ¹⁵ Mâsi eñarepac izi juju bapare ma qâreñ-ñenjic eme i honehuc, eñarepac irec sâc ehuc junzepienj. ¹⁶ No jâmbomac jâmbânj mupe mananiñ: Kiñañ moteczi bombonj-ticnere sâc sirickerâ jujune i mi fokac, â sorekicnezi sorewec ere sâc sirickerâ jujune i wâc mi fokac. ¹⁷ Eme dâñ i manañkerâ irec sâcko jupie no ñoñere manape zerine eocmu. ¹⁸ No dâñ mupe mâmâc sasawa mi rocñopakac. No wenimoi rowosâec-ñopapo i manakopac. Dâñqâreñ moc kecziñuc fokac, i sanañkeocmu hâcne: Nânâ bâfâuc ecneekopac eki wâc bunaneo bakac. ¹⁹ Wiac i mi fuahame qanañ ñazakopac, eme zâhec fuame, e Wofuñzi qanañ manahuc muwec,

13:10: Joh 15:3 **13:11:** Joh 6:64, 70, 71 **13:13:** Mat 23:8, 10 **13:14:** Luk 22:27; Tim I 5:10 **13:15:** Fil 2:5; Kol 3:13; Pet I 2:21 **13:16:** Mat 10:24 **13:17:** Mat 7:24; Jak 1:25 **13:18:** Mi Mâ 41:9

nore inuc munzepien. ²⁰ No jâmbomac jâmbân ñazape, moc e gie muñarekicne ñoñe hezu hewânen enareocmuzi gie rune no hezu hewânen enareocmu, â moc e no enareocmuzi sorecnuwec e hezu hewânen ecneocmu.”

Jesuzi Juda mutaniñkewec

(Mat 26:21–25; Mar 14:18–21; Luk 22:21–23)

²¹ Jesu e dân inuc murâ bu zazamañne fâuckezo eme mutaniñkerâ ziñuc jazawec: “No jâmbomac jâmbân mupe mananiñ, ñoñeraonec moczi no doc bacnuocmu.” ²² Inuc mume motec jañe hohonec efârerâ, i more mukac, muhuc kâuc bambiñ. ²³ Eme motec moc Jesure manñuñko ñewec, e bufuñ jâmbân-ticne, ²⁴ e hâcne Simoñ Petozi mezi sâsâc ecnerâ muwec, “Wiocnetec gazaoc, more mukac?” ²⁵ Eme motec eki hâcne qizec-ticne Jesure ameccko fohorerâ muwec, “Wofuñ go more mukic?” ²⁶ Eme Jesuzi muwec, “Poronñ sicko âke uruckerâ râcnepe nôocmu ere hâcne mukopac.” Inuc murâ poronñ sicko âke uruckerâ Simoñ ñokâ-ticne Juda, Karioto haeonec, e râcneme nâwec. ²⁷ Nâme Satañzi mañne sakionñkewec. Eme Jesuzi ziñuc âzâcnewec: “Wiac ezo mukomec, i biac jaha ezemec.” ²⁸ Dân inuc âzâcneme gâcne mâmâc ñembiñzi mi mana-hâmombiñ. ²⁹ Ehuc tucnezi ziñuc mumbiñ: “Juda e monen kânonñ wirec-nâñec bajukacte hombañte wiac moc furine baocte sorekac, me ñic hapetac monen jare-

13:19: Joh 14:29 **13:20:** Mat 10:40 **13:21:** Joh 12:27

13:23: Joh 19:26; 20:2; 21:7, 20 **13:27:** Joh 13:2

octe mukac.” ³⁰ Eme Juda e poroņ nârâ izia ņafe fuaha rawec.

Jesu e huriri qâreņ-ticnere muwec

³¹ Juda rame Jesuzi motec gâcne ziņuc jazawec: “Zi Ņic Fâri Wâtuņne e huriri qâreņ-ticne fuakac, eme ere erâ Anuture huriri qâreņ mâmâc fuakac. ³² Ņic Fâri Wâtuņnezi Anuture huriri qâreņ bâfuawecte Anutu e jahac Ņic Fâri Wâtuņne ere huriri qâreņ iņuc jaha bâfuaocmu, dameņ mi zorahame biac bâfuaocmu. ³³ Motecfâc-nane, no dameņ bembene mac moc ņoņehc jupemu. Eme zâhec basacnuniņmu. Eme Judaniç jazapo ijaha ņoņe ņazape: No rapemu ijaha sâcne mi fâniņmu. ³⁴ Eme zi sâcmutâc dâņ qâricne ņazape: Manjauņ eec enzepieņ, noni manjauņ eņare warehuc jupo iņuc jaha ņaņackoaņ manjauņ eec enzepieņ. ³⁵ Manjauņ eec epie ņic jaņe honec-ņopapie motecfâc-nane juņgopieņ ezejec.”

Jesuzi Petoŗo findaņdâņ âzâcnewec

(Mar 14:29–31; Luk 22:31–34)

³⁶ Eme Simon Petoŗozi wiocnerâ muwec, “Wofuņ, go wena racmu?” Eme Jesuzi muwec, “No rapemu ijaha ziņuczia sâcne mi fâcmu, juku zâhec ine fâzemec.” ³⁷ Eme Petoŗozi ziņuc muwec: “Wofuņ, no wemocte ziņuczia sâcne mi fâpemu? No gore erâ juju-nane sâcne qikiņnepemu.” ³⁸ Mume Jesuzi ziņuc âzâcnewec: “Go nore erâ jujuge qikiņnezo mukomec me? No jâmbomac jâmbân

13:29: Joh 12:6 **13:32:** Joh 12:23; 17:1–5 **13:33:** Joh 7:33; 8:21 **13:34:** Joh 15:12, 13, 17; Joh I 2:8, 10 **13:36:** Joh 7:34; 21:18, 19

gazape: Qâqâczi mi dânehame goki jahec â moc mic bacnucmu.

14

Mâmâzoc dâj:

1. Nêje-nâhec hewânenkeekac

¹ “Nêje fâfârerâ manjenic mi gâckezejec. Anutu manasiñkehuc no mâmâc manasiñnunzepien. ² Mamac-nanere hae qizecko fic bocjaha ñerakac. Inuc mi fome muzac, nêje hewânenke-ñarezo rapemu, i moc ñazazapo me? ³ Eme ra nêje hewânenke-ñarerâ mocwâc risie warerâ jowac-ñopape rarâ no jupemuoa junzepien. ⁴ Rapemu hata i honeñgopien.” ⁵ Mume Tomazi zinjuc âzâcnewec: “Go wena racmu, i nâje mi managopenen, irec wemocko hata honenanmu.” ⁶ Eme Jesuzi zinjuc âzâcnewec: “Hata â dâj fâri qizec â juju irec rune no. No nowarurâ Mamactao fifisi i mi fokac. ⁷ Nêje juwicnao no zâñitacnurâ muzac Mamac-nane injuc jaha zâñitanzapiñ. Zi ine Mamac-nane zâñitarâ mana taranopien.” ⁸ Inuc mume Filipinozi zinjuc muwec: “Go Mamac nâwotutec honerâ manapene taraocmu.” ⁹ Eme Jesuzi muwec: “Filipo, no damen zora ñehec juhape go mi hone tarac-nukomec? Moc e no honecnuekaczi Mamac honeekac. Eme go wemocte zinjuc mukomec: ‘Go Mamac nâwotutec honenan?’ ¹⁰ Mamaczi no manñuekac â noni

14:1: Joh 14:27; Mar 11:22 **14:3:** Joh 12:26; 17:24 **14:6:** Heb 10:20; Mat 11:27; Joh 11:25; Rom 5:1, 2 **14:9:** Joh 12:45; Heb 1:3; Mat 17:17

Mamac mañkeekopac i mi mana zakiekic me? Dâñ ñazaekopac i nahacne mañte mi ñazaekopac, Mamaczi nore mañko juhuc gie-ticne baekac. ¹¹ Mamaczi no mañnuekac â noni Mamac mañkeekopac, dâñ i manapie fârine ezejec. Me miczi mupe mi sâcñopakacko wiac bapa-nanere erâ dâñ i mana zakienij.

2. Nenȝoc ñesij moc wahaocte muwec

¹² “No jâmbomac jâmbân mupe mananij: No manasinuocmuzi gie baekopac ijaha baocmu. Erâ i sawa mâcne, sâcnane jâuruhuc baocmu. No Mamactao fepemure inȝuc hâcne fuaocmu. ¹³ Eme ñoñe nore zâñe bajuhuc numupie sâc mana-ñarehuc epemu. I Mamacte mumutenȝ Njokâre erâ fuaocte inȝuc epemu. ¹⁴ Zâñe-nane bajuhuc numu-narepie mana-ñarehuc epemu. ¹⁵ Maññenȝic nore qikiñneenȝopienȝko micnane reñkenijmu. ¹⁶ Eme noni Mamac numucnepe nenȝoc ñesij-ñenȝic moc soreme waharâ ñoñehuc juhuc juocmu sananȝ. ¹⁷ Dâñ fâri qizecnere Mâro hâcne. I miti tâmiriczi rorone mi fokac. Jañe e mi hone taraenȝopienȝ â e mi mana taraenȝopienȝ. E ñoñehuc juekaczi maññenȝicko hurâ juocmu, irec ñoñe e kâuc mi baenȝopienȝ. ¹⁸ No behec-ñopape bekâ mâsinȝ erâ mi junijmu. No ñoñerao risie warepemu. ¹⁹ Damenȝ bembenȝe mac moc fokac, i tarame miti tâmiriczi mocwâc

14:10: Joh 12:49 **14:11:** Joh 14:20; 10:25, 38 **14:12:** Mar 16:19, 20 **14:13:** Joh 15:7; Mar 11:24; Joh I 5:14 **14:14:** Joh 16:23, 24 **14:15:** Joh 15:10; Joh I 5:3 **14:16:** Joh 14:26; 15:26; 16:7; Joh I 2:1 **14:17:** Joh 7:39; 16:13; Mat 10:20; Rom 8:26

mi honecnuniñmu. Nõje ine honecnuniñmu. No juju sanaj jukopac, irec nõje injuc jaha qâricne juraniñmu. ²⁰ Damerj ira, Mamaczi no manñuekac â noni nõje manñopaekopac, â nõje no manñuenjopierj i mana taraniñmu.

3. *Jesuec manñmanj ezo*

²¹ “Moc e micdân-nane bajuhuc sâseocmu, eki manñjaun enareocmu. Eme moc e no manñjaun enareme Mamac-nanezi e injuc jaha manñjaun ecneocmu, â no nahac wâc manñjaun ecne-huc fuñne-nane mutaniñkecnepemu.” ²² Injuc mume Juda Karioto haeonec ere wasezi wiocnerâ muwec: “Wofuñ, go weninuc erâ fuñnege nâñgerao sawa bataniñkehuc ñic gâcne sâko jaje hesonke-jarezo mukic?” ²³ Mume Jesuzi dâñ zinjuc bâतिकecnewec: “Moc e manñjaun enareocmuzi dâñnane mana rerenj eocmu. Eme Mamac-nanezi e injuc jaha manñjaun ecneocmu. Eme nâhe mâmâc erao fisirâ ñeje juju enacmu. ²⁴ Moc e manñjaun mi enareocmuzi dâñnane wemocko mana rerenj eocmu. Erâ dâñ ñazaekopac i no nahacnaonec mâcne, i Mamac sorecnuwec eraonec.

4. *Jesuzi wama fârine nâreekac*

²⁵ “No nahac nõjehec juhuc dâñ injucne ñaza qazuc eekopac. ²⁶ Eme nenjoc ñesinj Tiri Mâro hâcne e Mamaczi nore michte soreme waharâ dâñ sasawa ñaza qazuc enareocmu, â noni ñazaekopac i heqâre-ñare-fâreocmu. ²⁷ No

14:19: Joh 16:16 **14:20:** Joh 17:21–23 **14:21:** Kor II 3:18; Joh I 5:3 **14:22:** Apo 10:41 **14:23:** Joh 13:34; 14:21; Muq 8:17; Mat 18:20; 28:20; Efe 3:17; Kor II 6:16 **14:24:** Joh 7:16; Joh I 2:5 **14:26:** Joh 14:16; Mat 10:19

merâfâc-nane wama ñarekopac, ñic wama mâcne, no nahacne wama jâmbân ñarekopac. Irec maññenji mi fâfârerâ gâckezejec. ²⁸ No kecziñuc ñazape manambienj: ‘No rarâ juku ñoñerao mocwâc risiepemu.’ Ñoñe maññenji nore qikiñnerâ muzac, ine Mamactao fepemu i manarâ bubianj bâfuanzapiñ. Mamac e nore femicne jukacte manasuhuc iñuc enzapiñ. ²⁹ Zi fârine mi fuaha qanañ ñazakopac, irec fuame honerâ mamasiniñ-ñenji sanankezejec. ³⁰ No zi dâñ bocjaha mi zuhuckerâ ñazapemu. Mârenj zirec ñicbomboñ wareocte zawiekac, warerâ norao hetakireocmu. ³¹ Eme Mamac mañjaun ecnehuc gie munarewec baekopac i miti tâmiriczi hone taraniñte faharepie rananj.

15

Jesu e waiñ jâcne, nâñâc tienfâcne

¹ “No waiñjâc funqizecne jâmbân, â Mamac-nanezi waiñ gie rune. ² Tienne moc norao foip-iehuc fârinehec mi eme qâtâcne behec eocmu, â tienne moc fârinehec fome gie bacneme soka bianj eocte soñankeocmu. ³ Ñoñe ine miti ñazape manahuc biac qaqačkembiñ junğopienj hâcne. ⁴ Eme ñoñe no mañnupie noni ñoñe iñuc jaha maññopapemu. Waiñ tiennezi jâcnehec zuzuhuc mi fohuc e jahackoan sawa fârinehec mi eocmu. Eme ñoñe iñuc jaha no mi mañnuhuc wemocko

14:27: Joh 1:16, 33; Fil 4:7

14:28: Joh 14:3, 6, 18; Luk 24:52

14:29: Joh 13:19

14:30: Joh 12:31; Efe 2:2

14:31: Joh

10:18; Mat 26:46; Mar 14:42

15:1: Jer 2:21; Mi Mâ 80:8

15:2:

Mat 15:13

fârinehec eniñmu. ⁵ Wainjâc funqizecne no, tien taenre ñoñe. Moc e no mañnuhame noni e mañkepemu, eme inucnezi fârine sâkohec eocmu. Ñoñe no tâmiric juhuc wiac eene i mi fokac. ⁶ Moc e no mi mañnume e behezo, eme wainj tienre behemie qañame qâzuckerâ behemie zocko zaekac, sâc ijaha ecnezo. ⁷ Ñoñe no mañnuhuc dâñnane mañkeniñmu, eme wiac irec me irec numupie fua-ñareocmu. ⁸ Ñoñe fârine sâkohec ehuc motec jâmbâñfâc-nane erâ jupie Mamac-nanere mumutenj fuaocmu.

Mañjaun eec ezo

⁹ “Mamaczi no mañjaun enareekac, inuc jaha noni ñoñe mañjaun enareekopac. Eme ñoñe nore mañjaunkoa junzepien. ¹⁰ Micdâñ-nane renkehuc ine nore mañjaunko juniñmu, no inuc jaha Mamac-nanere micdâñ renkehuc ere mañjaunko juekopac. ¹¹ Nore bubianzi ñoñerao fotâcneme ñoñerezi fufusuc foocte dâñ zi ñaza-fârekopac. Erâ ñoñerao fohuc fua sawec ezejec. ¹² Micdâñ-nane kecziñuc ñazakopac: Noni mañjaun enareekopac, inuc jaha ñañacia mañjaun eec enzepien. ¹³ Moc e âgofâcne janere riñ rohuc juju-ticne qaisockeocmu, irec mañjaun fekiecne sâko muzo. ¹⁴ Gie muñareekopac i bapie honec-ñopape âgofâc-nane eniñmu. ¹⁵ No dameñ zi kiñañ qaqa mocwâc mi muñarekopac,

15:5: Kor I 12:12, 27; Kor II 3:5 **15:6:** Mat 3:10; 13:40 **15:7:** Mar 11:24 **15:8:** Mat 5:16 **15:10:** Joh 8:29; 14:15; Joh I 2:4, 8 **15:11:** Joh 17:13 **15:12:** Joh 13:34; Joh I 3:11; Mar 12:30 **15:13:** Joh 10:12; Joh I 3:16 **15:14:** Joh 8:31; Mat 12:50; 28:20

mana-ηarepe âgofâc-nane engopien. Kiηaη qaqaζi bomboη-ticnere maηko dâη foekac i mi manaekac. Noni ine Mamac-naneraonec dâη manapo sâc mufuarâ ηaza-fârepore honec-ηopape âgofâc-nane engopien. ¹⁶ Nηe no mi rowosâecnumbiη, noni ηe rowosâec-ηopapo, erâ ra juhuc fârine bâfuaniηte muηarepo. Eme fârine bâfuapie fofonehec ezejec. Iηuc erâ nore zâηe bajuhuc Mamac numucnemie sâc ηareocmu. ¹⁷ Maηjaun eec enzepien, micdâη ine hâcne ηazakopac.

Jesu qaisockembiηte motecfâcne qaisoc-jopaniηmu

¹⁸ “Miti tâmiriczi qaisoc-ηopapie ziηuc munzepien: ‘Wofuη e mârâcko iηuc hâcne fuηkerâ qaisockembiη.’ ¹⁹ Miti tâmiric jaηere guruo razipie muzac âgo eηarenzapiη. No ine jaηere guruonec rowosâec-ηopape eebapa-jenic râpeckembiηte qaisoc-ηopaengopien. ²⁰ No dâη moc kecziηuc ηazapo irec manasunzepien: Kiηaη qaqaζi bomboη-ticnere sâc sirickerâ ujune mi fokac. Jaηe no râsi enarembiηko ηeηe râsi jaha eηareniηmu, jaηe nore dâη mana maη embiηko ηeηere dâη iηuc jaha mana maη eniηmu. ²¹ Sorecnuwec e mi zâηitaengopiente nore erâ iηuc hâcne eηareniηmu. ²² No jaηerao mi waharâ fuηe mi jazape muzac kiη tâmiric junzapiη. Zi ine kiηjenic wemocko murârâηneniηmu. ²³ Moc e no qaisocnuekaczi

15:16: Joh 6:70; 13:18 **15:18:** Joh 7:7; Joh I 3:13 **15:19:** Joh I 4:5; Luk 6:22 **15:20:** Joh 13:16; Mat 10:24 **15:21:** Joh 10:22; 16:3; Mat 5:11; Mar 13:13

Mamac-nane injuc jaha qaisockeekac. ²⁴ No nonden-ñenjicko mâsi sâko, ñiczi mi bapane, i mi bazapo muzac kiñ tâmiric junzapiñ. Zi ine bape hone-fâre-bipiehuc no qaisocnuhuc Mamac-nane injuc jaha qaisockeenjopien. ²⁵ Injuc epie mitio dâñ moc kecziñuc fokac, i sananjekac hâcne: ‘Jañe oma jâmbâñ qaisocnumbiñ.’ ²⁶ Neñgoc ñesiñ, dâñ fâri qizecnere Mâro hâcne, Mamactao jukac, e sorepe Mamactaonec waharâ fuñne-nane mutaniñkeocmu. ²⁷ Erâ ñoñe gie fuñkepoonec nohec juwarembiñte injuc jaha fuñne-nane mutaniñkenzepien.

16

Motec jañe zika kiniñmu

¹ “Juku wiac enarepie manapie ririsi ezacte dâñ i qanañ ñazakopac. ² Jañe mitific sakare-ñareninmu. Erâ wâc damen moc maickeocmu, ira Anuture gie banjopeneñ muhuc qâhâmoc-ñopaniñmu. ³ Jañe Mamac mecne no mecne mi zâñitac-nâfoenjopienje injuc eninmu. ⁴ No dâñ qanañ ñazakopac, i sananjekame munzepien: Eki mârâc jaha nâzâwec hâcne. Dâñ i damen-nane zoricne fohame mârâc biac mi ñazapo.

Mâro e fuñne babataniñ

15:23: Joh 5:23; Joh I 2:23; Luk 10:16 **15:24:** Joh 14:11
15:25: Mi Mâ 35:19; 69:4 **15:26:** Joh 14:26; Luk 24:49 **15:27:**
Luk 1:2; Apo 1:8; 5:32 **16:1:** Joh 14:29 **16:2:** Joh 9:22; Mat
5:11; 24:9; Luk 6:22 **16:3:** Joh 15:21 **16:4:** Luk 22:53; Joh
17:12

5 “Zi ine sorecnuwec erao fezo ehape
 ɲoɲeraonec moczi moc ziɲuc mi wio-narekac:
 ‘Go wena racmu?’ 6 Dâɲ iɲucne ɲazakopacte
 mâc busâqoczi maɲɲeɲic fusucmakac. 7 No
 dâɲ jâmbomac mupe mananiɲ: Risie fepemu
 i ɲoɲerao fârine fuaocfe fepemu. Mi fezapu
 muzac, neɲgoc ɲesinzi mi wahazac. Ferâ
 ine sorepe wahaocmu. 8 Waharâ ɲic fuɲne
 bataniɲke-jareme ziɲuc mananiɲmu: Kiɲ fokac
 â tiɲke biaɲ fokac â okacne dâɲ mumutara
 fokac. 9 Kiɲte fuɲne ziɲucko mananiɲmu: Jaje
 no mi manasiɲnueɲgopieɲ. 10 Tiɲke biaɲte fuɲne
 ziɲucko mananiɲmu: No Mamactao risie fepe
 mocwâc mi honecnuniɲmu. 11 Okacne dâɲ
 mumutara irec fuɲne ziɲucko mananiɲmu:
 Mâreɲ zirec ɲicbomboɲ okacne dâɲ biac
 mutaracnekicne.

Mâro e jojowa-nâɲec

12 “Dâɲ ɲaɲazane bocjaha fokac, erâ damen
 ziɲuczia ɲazape wemocko amecke-fâreniɲmu.
 13 Dâɲ fâri qizecnere Mâro eki ine waharâ dâɲ fâri
 qizecnere zâkâɲko bâutuc-ɲopaocmu. E jahacne
 maɲte dâɲ mi ɲazaocmu, mutâcnecekicne sâc
 ɲazaocmu, erâ juku wiac fuaocmu i wâc mufua-
 ɲareocmu. 14 Dâɲ i no nahacne rowaɲkonec
 rorâ mujaɲgeɲke-ɲareme nore huriri qâreɲ
 fuaocmu. 15 Mamactao wiac fokac irec rune

16:5: Joh 7:33 **16:7:** Joh 14:16, 26 **16:8:** Kor I 14:24; Heb
 4:12 **16:9:** Joh 3:18; Rom 1:18 **16:10:** Apo 5:31; Rom 4:25
16:11: Joh 12:31; 14:30 **16:12:** Kor I 3:1 **16:13:** Joh 14:26;
 Joh I 2:27

no. Irec hâcne mupac, ‘Nore rowan̄konec rorâ mujan̄geŋke-ŋareocmu.’

Jesu e rarâ wâc risie wareocmu

¹⁶ “Damen̄ bemben̄ne fokac, i tarame rape basacnuniŋmu. Erâ irec faicnao damen̄ bemben̄ne jaha wâc fokac, i tarame warepe honecnuniŋmu.” ¹⁷ In̄uc mume motec jane nazaŋ gazaŋ erâ ziŋuc mumbiŋ: “Weniŋucte dâŋ kecziŋuc mukac? ‘Damen̄ bemben̄ne fokac, i tarame rape basacnuniŋmu, erâ irec faicnao damen̄ bemben̄ne jaha wâc fokac, i tarame warepe honecnuniŋmu.’ Â moc ziŋuc mukac: ‘Mamac-tao fepemu.’” ¹⁸ In̄uc murâ harierâ mumbiŋ: “‘Damen̄ bemben̄ne fokac,’ in̄uc wemocte mukac, nâŋe kâuc baŋgopenen̄.” ¹⁹ Wiocnezo epie Jesuzi hone tarac-joparâ ziŋuc jazawec: “Dâŋ kecziŋuc ŋazapacte muc manac eŋgopiŋ, ‘Damen̄ bemben̄ne fokac, i tarame rape basacnuniŋmu, erâ irec faicnao damen̄ bemben̄ne fokac, i tarame warepe honecnuniŋmu.’” ²⁰ No jâmbomac jâmbân̄ ŋazape: N̄oŋe ki mamakuc ehapie miti tâmiriczi zeri eniŋmu. N̄oŋe busâqocko juniŋmu, ehame busâqoc-ŋeŋiczi ŋerisieme bubian̄ fuaocmu. ²¹ N̄okac moc e motec roocte damen̄ne maickeme zâic manaocmu. Izi motec rome zâic omaeme, qâric fuajec irec bubian̄ manaocmu. ²² Eme ŋoŋe in̄uc jaha damen̄ ziŋuczia buzâichec juniŋmu. Juhapie mocwâc risierâ honec-ŋopape bubian̄ bâfuan̄iŋmu. Eme bubian̄ i moczi mi qâsua-ŋareocmu. ²³ Eme damen̄ ira wiac mocte

16:15: Joh 17:10

16:16: Joh 14:19

16:21: Jes 26:17

16:22: Jes 66:14

mi kâuc barâ wio-nareniŋmu. No jâmbomac jâmbân ŋazape: Nŋe Mamac wiac mocte numuc-nepie zâŋe-nanere erâ ŋareocmu. ²⁴ Juwarembiŋ ira nore zâŋe bajuhuc mi numu jumbieŋ. Zi ine numurâ ropie bubian-ŋeŋiczi fua sawec erâ fufuse fozejec.

Jesure zâŋe bajuhuc numuzo

²⁵ “Dâŋ ŋaza warehuc jupo i suŋsuŋne qahuc ŋazapo. Juku dameŋ moc maickeocmu ira ine dâŋ suŋsuŋne mi muhuc, Mamacte fuŋne mâc mutaniŋkerâ ŋazapemu. ²⁶ Dameŋ ira zâŋe-nane bajuhuc numupie noni ŋŋe bâsâoc-ŋopahuc Mamac âzâcne i mi epemu. ²⁷ No Mamactaonec wahapo, dâŋ i mana zakiehuc manjauŋ enarengopieŋte Mamac e jahac wâc iŋuc jaha manjauŋ eŋareekac. ²⁸ No Mamac beherâ mâreŋko wahapo, eme zi mâreŋ beherâ Mamactao mocwâc fekopac.” ²⁹ Iŋuc mume motec jaŋe ziŋuc âzâcnembiŋ: “Zi dâŋ suŋsuŋne mi muhuc mâc mutaniŋkerâ nâzâkomec hâcne. ³⁰ Irec gore ziŋuc manaŋgopeneŋ: Nŋic jaŋe mu wioc mi egarehapie go gahaczia wiac sasawa mana-fâreekic, go Anuturaonec wahameŋ i mana zakieeŋgopeneŋ.” ³¹ Mupie Jesuzi ziŋuc jazawec: “Nŋe miŋecne mana zakieŋgopieŋ me? ³² Dameŋ moc fokac, i biac maickeme no behecnurâ siŋsaŋ qarâ ficŋeŋic sâc rafâreniŋmu. Erâ behecnupie buc mi jupemu, Mamaczi nohec jukacte buc jâmbân

16:23: Joh 14:13, 14, 20; Mat 7:7; Mar 11:24 **16:24:** Joh 15:11

16:25: Joh 10:6 **16:27:** Joh 14:21 **16:29:** Joh 16:25 **16:30:**

Joh 2:25

mi jupemu. ³³ Nore wamazî nõnerao foote dân injucne nõzakopac. Nõne mârenko zârâ hâriñ faio juenõopien, eme noni mârenõte micne momori fozukopacte nõne hâbi-nenõicheck junõepien.”

17

Mâmâzoc nunumu:

1. Jesu e jahacnere numuwec

¹ Jesu e dân i mutararâ sambânko fime feha zinjuc muhuc numuwec: “Mamac, damenõ maick-ekac. Go Nõkâgere huriri qârenõ bâfuatec Nõkâzi injuc jaha gore huriri qârenõ bâfuaõzjec. ² Go e mârenõ sâc ñic jaõere rusâko râemenõ, ehuc ñic erao râec-jopamenõ sâc jaõe juju sananõ bâfua-jareocõte mucnemenõ. ³ Juju sananõte fuõne ine zinjuc fokac: Go Anutu fârine mocjaha â soremenõ, Jesu Kristo hâcne, ñic jaõe injuc mana tarac-nâfopie juju sananõ fua-jareocmu. ⁴ Gie munarenõ i baku batarape mârenõko huriri qârenõge fuakac. ⁵ O Mamac, mârenõ mi fuahame gohec sambânõ tatamac-nanehec jupo, ijaha zi mocwâc bârisie-naretec roõuzepac.

2. Motec jaõere numuwec

⁶ “Guru sâkoonec ñic nore bâwosâec-jopamenõ jaõe biõedânõge muõanõenõke-jarepo. I gore biõe juhapie nore qikinõ-jopamenõ, eme jaõe gore dânõ ropie manõenõic ewec. ⁷ Wiac fonarekac i

16:32: Mat 26:31, 45; Mar 14:27, 50; Joh 8:29 **16:33:** Joh 14:27; Rom 5:1; Joh I 5:4 **17:1:** Joh 11:41; 13:1 **17:2:** Mat 11:27 **17:3:** Joh I 5:20; Tes I 1:9 **17:4:** Joh 4:34 **17:5:** Joh 1:1; 17:24; Fil 2:6 **17:6:** Joh 17:9; Mat 6:9

goraonec sasawa, jaņe i mana taranġopieņ. ⁸ Go dâņ naremeņ i jarepe ro sakarec embiņ. Ehuc goraonec wahapo i manapanġembiņ, â go gahac ġie munaremeņ i mana zakiembiņ.

⁹ “No jaņere erâ numu-garekopac. Miti tâmiric jaņere erâ mi numu-garekopac, naremeņ jaņere sawa erâ numu-garekopac, jaņe gore biņe hâcne. ¹⁰ Nore biņezi gore biņe â gore biņezi nore biņe. Eme manġenġicko huriri qâreņ-nane fuawec fokac. ¹¹ No mâreņko juju-nane tarakac, jaņe ine mâreņko zuhuckerâ juhapie no gorao fâzo ekopac. Tiri Mamac, biņedânġe naretec jazapo, eme go hemiriņ-jopatec dâņ irec maņnao junzepieņ. Eme nâhâc maņ mocjaha juekoperec, iņuc jaha jaņe maņ mocjaha junzepieņ. ¹² Jaņehac jupo sâc biņedânġe naremeņ izi hemiriņ-jopape irec maņnao jumbiņ. Ehuc soņaņ-jopape moc mi sifuckembiņ. Dâņqâreņ sananġeocce hârâcte biņe mocjahazi sipirickewec. ¹³ 3i gorao fâzo ehuc zira mâreņko dâņ iņuc gazape nore bubianġi jaņerao fotâcnerâ qârânġkeme bajunzepieņ. ¹⁴ No dâņġe jarepe bajupie mâreņte biņe jaņe qaisoc-jopaenġopieņ. No nahac mâreņte biņe mi juekopac, iņuc jaha jaņe mâreņte biņe mi juenġopieņte iņuc hâcne ejareenġopieņ. ¹⁵ Go mâreņkonec rocjopacmurâ mâcne, sâqocnere ŋezic-jopacmurâ gazakopac. ¹⁶ No gâtâ-nane mâreņko mi bawec, iņuc jaha

17:8: Joh 16:30 **17:9:** Joh 6:37, 44 **17:10:** Joh 16:15; Luk 15:31 **17:11:** Joh 10:30; Mat 6:13 **17:12:** Joh 6:39; Mi Mâ 41:9; 109:8; Tes II 2:3 **17:13:** Joh 15:11 **17:14:** Joh 15:19
17:15: Tes II 3:3; Joh I 5:18; Mat 6:13

jaņe gâtâ-jeņic mâreņko mi bawec. ¹⁷ Gore dâņ fâri qizecnezi manjeņic furu batec fozejec. Gore mitizi dâņ fâri qizecne hâcne. ¹⁸ Goki no mâreņko gie munaremeņ, iņuc jaha noni jaņe mâreņko gie mujarepo. ¹⁹ Jaņe dâņ fâri qizecnezi manjeņic furu bame juniņte no nahac wâc jaņere erâ maņsahac-nane bâtirirâ râekopac.

3. Miti mamana nâņâcnere numuwec

²⁰ “Erâ no jaņere sawa mi numu-garekopac, miti jazapie manasiņnuniņmu jaņere mâmâc numu-garekopac. ²¹ Jaņe maņwirec erâ juniņte gazakopac. Mamac, go no maņnuekic â noni go maņgukopac, iņuc jaha jaņe nâhâc maņnâfonzepieņ. Iņuc epie miti tâmiric jaņe gahac sorecnutec wahapo i manapaņkenzepieņ. ²² Nâhâc maņ mocjaha juekoperec, iņuc jaha jaņe maņ mocjaha erâ junzepieņ. Iņuc juniņte hâcne huriri qâreņ naremeņ ijaha jarepo. ²³ No maņjopahape go maņnutec jaņe maņzi zâzâfic ehuc hâcbuc erâ junzepieņ. Iņuc jupie miti tâmiriczi goki sorecnutec wahapo i mana zakienzepieņ, â no maņzi zâficnuhuc jaņe mâmâc zâfic-jopaekic, i wâc manapaņkenzepieņ. ²⁴ Mamac, naremeņ ņic i jaņe no jupemuoa juniņte mukopac. Eme mâreņ hobeteņne mi fuahame maņjauņ enarehuc sambâņ tatamac tahacnumeņ, i hâcne nohec juhuc hone aņac enzepieņ. ²⁵ Mamac, tiņne rune, ņic jaņe mi mana

17:17: Joh 6:63 **17:18:** Joh 20:21 **17:19:** Heb 10:10
17:20: Joh 17:9 **17:21:** Gal 3:28 **17:22:** Apo 4:32 **17:23:**
 Kor I 6:17; Gal 2:20 **17:24:** Joh 10:29; 12:26; Efe 1:4

taracgumbiņ, noni ine mana taracguekopac, erâ kikefunfâc-nane jaņe gahac sorecnutec wahapo i manapaņkeņgopieņ. ²⁶ No biņedâņge mutaniņke-jarepo erâ mutaniņke-jarehuc jupemu. Eme manjaun no enaremeņ ijaha jaņerao fome manjopahuc jupemu.”

18

Jesu Gezemane jufuo juhame rombiņ

(*Mat 26:47–58; Mar 14:43–50, 53–54; Luk 22:47–54*)

¹ Jesu e nunumu dâņ i muku mufârerâ motecfâcne rocjopame haeonec hurâ Kidoron opâ herâ, mâreņ mocko jufu gie fowec, ira rambiņ. ² Jesu â motecfâcne ira gâbâ tumaņne jumbiente Juda docbapa ņic e jufu i honewec wâc. ³ Eme ira hâcne juhapie Judazi kiaronec momori erâ taha bapa micne â farisaio ņic jaņeraonec motec rocjopame waha lambe â zika barâ rambiņ. ⁴ Eme Jesu e wiac ecneniņmu i mana-fârehuc jufu tofanao ra bâfuac-joparâ wio-jarewec: “Ņoņe mo basaņgopieņ?” ⁵ Eme jaņe mumbiņ, “Jesu Nazarete rune.” Mupie muwec, “No hâcne zi.” Ehamē Juda docbapa ņic e ņonden-jeņicko domawec. ⁶ Eme “no hâcne zi” Jesuzi iņuc jazame jaņe rârâpe rahuc rândiņke qambiņ. ⁷ Iņuc epie hâsine wio-jarerâ muwec: “Ņoņe mo basaņgopieņ?” Eme mumbiņ, “Jesu Nazarete rune.” ⁸ Mupie Jesuzi ziņuc jazawec: “No ņazapac i, no hâcne zi. No basacnuņgopieņko keci jaņe

behec-jopanij.” ⁹ Inuc eme dâñ kecziñuc muwec i sanañkewec: “Naremeñ jañe soñañ-jopape moc mi sifuckembiñ.” ¹⁰ Eme Simoñ Petoro e sâqe bajuwec i becsahackonec unuckerâ taha bapa sâko kiñañ motec-ticne hazecne fâreopoc i qatarawec. Motec zâñene Maiko. ¹¹ Inuc eme Jesuzi Petoro ziñuc âzâcnewec: “Sâqege becsahacko râec huoc. Me zâic guru Mamacnanezi râe-narekac, i qikiñnepemurâ mukic?”

¹² Eme soñañ-jeñiczi mume momori â Judañic motecfâc-jeñic jañe Jesu rorâ mene qarâ ¹³ Hanasire ficko barambiñ. Eme dameñ ira Judañic taha bapa sâko-jeñic juwec, zâñene Kaifa, eki Hanasire otâ bawec. ¹⁴ Kaifa eki hâcne Judañic ziñuc jazawec: “Ñicguru nâñâc sipiricke-fârenzipeñte mocjahazi âkehoc-nâporâ hâmome tarazejec.”

Petorozi Jesu mic bawec

(Mat 26:69–70; Mar 14:66–68; Luk 22:55–57)

¹⁵ Simoñ Petoro â motec âgo-ticne moc jahe Jesu barahapie zâhec rapic. Eme âgo-ticne e ine taha bapa sâkozi hone jujecte Jesu bâjâperâ ficmañko mâmâc razimbiñ. ¹⁶ Petoro eki ine sacrâpeo domawec. Eme âgo-ticnezi taha bapa sâkore ficko jujujecte hurâ sacmotâc soñañ naru e âzâcneme Petoro motâc rocñeme sacmañko raziwec. ¹⁷ Eme motâc soñañ naru eki Petoro honerâ ziñuc âzâcnewec: “Ñic kecocnirec motecfâc jañere gu ruonec go moc ine hâcne.” Eme eki muwec, “No aricne.” ¹⁸ Eme kiñañ motec â momori jañe

18:9: Joh 17:12 **18:11:** Mat 26:39 **18:14:** Joh 11:49, 50
18:15: Joh 20:3; 21:20; Apo 3:1

mâmâtenje zoc ruqerâ ruahuc domahapie Petoro e ñonden-jenjicko rarâ injuc jaha zoc ruawec.

Taha bapa sâkozi Jesu mu indij ecnewec
(*Mat 26:59–66; Mar 14:55–64; Luk 22:66–71*)

¹⁹ Eme taha bapa sâkozi Jesu motec rocjopawec â miti muwec, irec mu indij ecnewec. ²⁰ Ecneme Jesuzi dân kecziñuc bâतिकecnewec: “No dân hofao tâtâc muekopac, Judanjic mitificko â taha ufunjo tumañnehapie dân jaza qazuc eekopac, soñsoñ mi muekopac. ²¹ Irec wemocte no wio-narekic? Dân jazape manañgopien jañe ejaretec muekopac sâc gazapie manac.” ²² Injuc mume kiñañ motec doma rambiñ jañeræonec moczi Jesu maucnao qahuc muwec, “Go taha bapa sâko dân injucne wemocte âzâcnekomec?” ²³ Eme Jesuzi dân ziñuc muwec: “Dân hehesic mukopacko funje mutec manape, â tiñne mukopacko wemocte nukomec?” ²⁴ Eme Hanasizi mume Jesu mene qarâ taha bapa sâko Kaifa erao barambiñ.

Petorozi harierâ mic bawec
(*Mat 26:71–75; Mar 14:69–72; Luk 22:58–62*)

²⁵ Eme Simoñ Petoro e ine zoc ruahuc domahame wiocnerâ mumbiñ, “Motecfâc-ticne jañere guruonec go moc ine hâcne mecne?” Eme mic barâ muwec, “No aricne.” ²⁶ Mume taha bapa sâkore kiñañ motec moc, Petorozi hazecne qatarawec ere qomâ, eki ziñuc muwec: “Â go jufuo ehac mâmâc jupie honecgupac.” ²⁷ Eme Petoro e mic bame izia qâqâczi dânjewec.

Jesu kiarao barambinj

(Mat 27:2, 11–26; Mar 15:1–15; Luk 23:1–25)

²⁸ Hae fureme Jesu Kaifare fickonec bawaharâ kiarao barambinj. Judanjic jaņe ine wâwânâņ erâ aakic hombanĳo bâtâcko junzipinĳe kiare ficko mi fembinj. ²⁹ Ehuc hae zoņao domapie Pilatozi zaeo waharâ wio-jarerâ muwec: “Nĳic keci wemo kinĳe bawarenĳopienĳ?” ³⁰ Eme jaņe mumbinĳ, “E sâqocne bapa mi juzac muzac gorao mi bawarenzaperĳ.” ³¹ Mupie Pilatozi zinĳuc jazawec: “Nanĳacne sâcmutâc dâņ sâcko dâņticne mutaracneninĳ me.” Eme Judanjic jaņe mumbinĳ, “Nâņe nĳic hâmocko rârâec-jopare aka henârekiecne.” ³² Judanjic jaņe inĳuc epie Jesu e jahac hâmoc-ticnere dâņ muwec, hata i âke fuawec. ³³ Eme Pilatozi ficmaņko ferâ Jesu hefârerâ muwec: “Go jâmbomac Judanjic jaņere nĳicwofuņ me?” ³⁴ Eme Jesuzi muwec, “Dâņ i gahacne maņĳe mukic me gâcnezi micgao râepie mukic?” ³⁵ Mume Pilatozi muwec, “Wiac no Judanjic me? Go gahacne nĳicfâc â taha bapa micne jaņe norao râecĳuņgopienĳ. Go wemo emenĳ?” ³⁶ Eme Jesuzi zinĳuc muwec: “No mâreņ nĳicwofuņ aricne, mâreņ nĳicwofuņ juzapo muzac momorifâc-nane jaņe zikazi nĳezicnuhapie Judanjic jaņe wemocko rocnunzapiņ. No ine mâreņ nĳicwofuņ aricne.” ³⁷ Eme Pilatozi muwec: “Eme go nĳicwofuņ fuņmoc?” Mume Jesuzi muwec, “Ine hâcne mukomec, no nĳicwofuņ fuņmoc. No dâņ fâri qizecne mutaniņkepemurâ mâreņko waharâ

18:31: Joh 19:6, 7; Apo 18:15 **18:32:** Joh 19:32, 33; Mat 20:19

18:34: Mat 16:13 **18:35:** Joh 1:11; Mat 21:39

fuapo. Eme moc e dân fâri qizecne jaunkeocmuzi dânnane âgo ecneocmu.”³⁸ Eme Pilatozi zinjuc muwec: “Dân fâri qizecne i wemo wiac moc?” Injuc murâ zaeo mocwâc hurâ Judanjic zinjuc jazawec: “No ñic keczirec kiñ basakopac.”³⁹ Hatañejic moc fokac. Nõje aakic hombanjo mupie no kâpâcwâru ñic moc akicke-ñareekopac. Eme zi manapie sâckeme Judanjic ñicwofuñ-ñejic akicke-epe junarezejec.”⁴⁰ Eme jañe harierâ owackehuc mumbiñ: “Aricne, e mâcne, Baraba akickenârec.” Baraba e ine zikanjic.

19

Kia e Jesu hâmocte mutaracnewec

¹ Eme Pilatozi mume momori jañe Jesu becsahac biriñneheczi qambiñ. ² Qarâ muc zârâneheczi hendiñ ba akic erâ qizecnao hecnepie huwec â ñaqi bâbâronj mâmâc hecnepie huwec. ³ Injuc erâ manfuñnao birickerâ domahuc fânânkecnehuc mumbiñ: “Ohec, Judanjic jañere ñicwofuñ.” Muhuc mainao qambiñ. ⁴ Eme Pilatozi Judanjic jañerao mocwâc hurâ muwec, “Honeniñ, no ñoñerao jowa wahakopac, no kiñticne basakopacte ñañac fuñne-ticne honeniñ.” ⁵ Eme Jesu e muchendiñ â ñaqi bâbâronj, wiac injucnehec waha domame Pilatozi jowaturâ muwec: “Ñic mac zi honeniñ.” ⁶ Eme taha bapa micne â ñicfâc-jeñic jañe honerâ dân qeñqeñnehec ehuc mumbiñ: “Mariponjo feoc, feoc.” Mupie Pilatozi micjeñicko rorâ

muwec: “No kin̄ticne basakopacte ñeñe ñañac rorâ maripon̄ko qaniñ.” ⁷ Eme Judañic jañe zinjuc mumbiñ: “E jahacnere no Anuture Nokâ muekac, eme ñic injucne jañe hâmoniñte sâcmutâc dâñnâñec fokacte hâmozejec.” ⁸ Eme Pilato e dâñ i manarâ mâretéc hâwickewec. ⁹ Eme Jesu mocwâc ficmañko jowa ferâ indin̄kerâ muwec: “Go wenirec fuamen?” Mume Jesuzi micnao mi rowec. ¹⁰ Injuc eme Pilatozi zinjuc âzâcnewec: “Go dâñ mi nazakomec me? Noni mupe jucmu me mupe maripon̄ko hâmocmu irec tâpiri râe-narekicne, i mi manakic me?” ¹¹ Eme Jesuzi zinjuc âzâcnewec: “Mâc muzac go nore dâñ wemocko munzañ, nore dâñ mumure faicnec tâpiri qikin̄ne-garekicnere mukomec hâcne. Irec gorao râecnukac ñic ere kin̄zi gore jâurukac.” ¹² Dâñ i manarâ Pilatozi Jesu akickezo mume Judañic jañe owa ruruckerâ mumbiñ: “Go ñic e akickerâ Sisare âgo mocwâc mi jucmu. Moc e jahacnere ñicwofuñ muhuc Sisa âkehockeocmu.” ¹³ Pilatozi dâñ i manarâ mume Jesu jowa wahapie dâñ mumutara ñeñe-ticnao waha ñewec. Ñeñe i qânâ zaeo râekicne, eme zae irec zâñe Judañic jañe Gabata mujumbien̄. ¹⁴ Eme Judañic jañe hae fureme aakic hombañ ñeniñte teun̄ko razimbiñ. Ehame qâqâtâc bemben̄keha Pilato e ñeñe-ticnao ñehuc Judañic zinjuc jazawec: “Honen̄iñ, ñicwofuñ-ñeñic zi.” ¹⁵ Mume jañe owa ruruckerâ mumbiñ: “E arictac eoc, e arictac eoc, maripon̄ko feoc.” Eme Pilatozi muwec: “Hâc,

19:7: Joh 5:18; 10:33; Tah 24:16 **19:11:** Joh 10:18; Apo 2:23

19:12: Apo 17:7 **19:13:** Joh 19:6

eme ñicwofuñ-ñeñic mupe mariponko hâmoocete munğopien me?” Mume taha bapa micne jañe dân zıñuc bătikiecnembiñ: “Nâñe ñicwofuñ-nâñec moc aricne, Sisa mocjahazi junârekac.”¹⁶ Eme Pilatozi mana urue-jarerâ Jesu mariponko hâmoocete qikiñne-jarewec.

Jesu mariponko qapie hâmowec

(Mat 27:32–50; Mar 15:21–37; Luk 23:26–46)

¹⁷ Eme momori jañe Jesu rorâ maripon râcnepie hâpome mâreñ moc zâñene Utusiec, Judadânko Goligata, ira barambiñ. ¹⁸ Bararâ mariponko gambiñ. Erâ sâqocne bapa jajahec mâmâc jofarâ moc ñifec, moc ñifec, â Jesu zâzâñiñko, iñuc biric-jopambiñ. ¹⁹ Eme Pilatozi mume Jesure qizec botânko mariponko qâreñ kecziñuc râembiñ: “Jesu Nazarete haeonec Judaniç jañere ñicwofuñ.” ²⁰ Jesu gambiñ mâreñ i hae bembenjo fowecte Judaniç bocjahazi ira rac warec ehuc qâreñ i wosembiñ. Eme qâreñ i Judadânko â Romadânko â Grikdânko râekicne. ²¹ Eme Judaniç jañere taha bapa micne jañe Pilato zıñuc âzâcnembiñ: “Go Judaniç jañere ñicwofuñ iñuc mi qâreñkec. E jahacne muwec, no Judaniç jañere ñicwofuñ, iñuc qâreñkec.” ²² Eme Pilatozi muwec: “Qâreñkepac izia fooc.”

²³ Eme momori jañe Jesu mariponko qarâ ñaqi-ticne faine bătâcnepie jahec â jahec eme ru sâc embiñ. Â ñaqi-ticne mañne hâfâ iñucne oorâñ fukicnere ²⁴ zıñuc mumbiñ: “I bătâcnepene sâqoreocmu, irec qâsâi qapene rune âke fuaoc.” Iñuc epie miti papiao dân moc kecziñuc qâreñkecicne i sananğewec:

“Jaņe ņaņi-nane faine bătât bambiņ,
â maņnere ine qăsâi qambiņ.”

²⁵ Momori jaņe iņuc hâcne embiņ. Jesure maripoņ fuņko ine ziņuc domambiņ: Neņgoc-ticne â neņgoc-ticnere qo, erâ Maria Kelopa ere ņonâņ, â Maria Madala haeonec.

²⁶ Eme Jesu e neņgoc-ticne â motec bufuņ-ticne domapire honec-jofarâ neņgoc-ticne ziņuc âzâcnewec: “Ņokac, motecge keci hâcne.” ²⁷ Iņuc murâ motec-ticne ziņuc âzâcnewec: “Neņgocge keci hâcne.” Eme dameni ira Jesure neņgoc jowame motec jahacne ficko ferâ ņec juc ewec.

²⁸ Eme Jesu e gie-ticne tarame manarâ, miti papiao findaņdâņ moc fokac i denķeocte, ziņuc muwec: “No opâre enarekac.” ²⁹ Eme râqâc moc maņnao waiņ opâ zazacne ņewec, ira hâwec sâmbiņ âke uruckerâ qeņqeņko âke kindeņnerâ micnao iticnepie nâwec. ³⁰ Waiņ opâ nârâ wirahuc muwec: “Batarakopac.” Iņuc mume qizecne forârieme mâro-ticne wefuwec.

³¹ Eme Judaņic jaņe teuņko razimbiņte ziņuc mumbiņ: “Tomâcko sabata hombaņ sâkoo ņic jopakicne jaņere qâņqâņ maripoņko mi domaze-jeç.” Iņuc murâ Pilato âzâcnepie momori jaņe ņic siec-jeņic qazurâ qâņqâņ-jeņic bataraniņte Judaņic mana-jarewec. ³² Eme momori jaņe sâqocne bapa Jesuhec jofakicne moçte siec qazurâ ra moçte siec qazumbiņ. ³³ Iņuc erâ Jesurao fisirâ honembij: E biac hâmowec. Honerâ siecne mi qaçazu ³⁴ momori moczi tambaraņne sânduzi âke

19:24: Mi Mâ 22:18 **19:26:** Joh 13:23 **19:28:** Joh 13:3;
18:4; Mi Mâ 22:15 **19:29:** Mi Mâ 69:21 **19:31:** Sâc 21:23

mârânkeme soc â opâ wahawec. ³⁵ Wiac i zâne fâri-ticnezi honewec eki mutaniŋkeme jâmbomac ekac. E manakac, dân i fârine. Irec ñoŋe mana zakienzepieŋ. ³⁶ Miti papiao findaŋdân moc kecziŋuc fokac i sanaŋkeocte wiac i fuawec: “Ñoŋe siecne mi qazunzepieŋ.” ³⁷ Erâ wâc miti papiao dân moc kecziŋuc fokac: “Jaŋe âke mârânkembiŋ erao zâne finzepieŋ.”

Jesu duckembiŋ

(Mat 27:57–61; Mar 15:42–47; Luk 23:50–55)

³⁸ Josefe Arimataia haeonec e Jesure motec juwec, erâ Judaŋic jaŋere hâwickeme fufua mi juwec, soŋsoŋ juwec. Eki hâcne Pilatorao rarâ Jesu qâŋqâŋ-ticne bataraocte mufuacnewec. Eme Pilatozi manacneme ra batarawec. ³⁹ Ehame Nikodemo, ñafeo Jesu iqickewec, eki wokemaŋ âsu biaŋ â kâŋâ bocjaha amecke rarâ Josefe bafickeme ⁴⁰ Jesure qâŋqâŋ ruacnerâ qoruc qaŋqaŋzi râpâckepic. Judaŋic jaŋe qâŋqâŋfâc-jeŋic iŋuc hâcne ejare jumbieŋ. ⁴¹ Eme Jesu qambiŋ mâreŋ irec ñifecnao jufu gie moc fowec, ira hawec moc zâŋeruŋte biŋe gufukicne fowec. Ira ñic moc mi ducjopakicne, furu fowec. ⁴² Eme Judaŋic hombaŋte teuŋko razimbiŋte bembeŋko ira hâcne Jesure qâŋqâŋ râepic.

20

Jesu qârerâ faharewec

(Mat 28:1–10; Mar 16:1–8; Luk 24:1–12)

19:36: Wah 12:46; 3ar 9:12; Mi Mâ 34:20 **19:37:** 3ek 12:10;
Bar 1:7 **19:39:** Joh 3:2; Mat 2:11

¹ Eme Sonda hae mi fure taniŋkeha Maria Madala haeoneczi zâneruŋko rawec. Ra fisirâ honewec: Qânâ e zâneruŋkonec bârâriekicne. ² Injuc honerâ gasacke rarâ Simoŋ Petoro â Jesu motec bufuŋ-ticne jasarâ muwec: “Wofuŋ qâŋqâŋ-ticne bawisembien, eme wena râembien i nâŋe kâuc baŋgopenen.” ³ Injuc mume Petoro â motec âgo-ticne jahe zâneruŋko rapic. ⁴ Hatao gagasac jaha rahuc âgonezi Petoro âte tariŋkerâ biac ra fisiwec. ⁵ Ra fisirâ hawecmaŋko mi razihuc mâc okarierâ fime razime qoruc râpâ sawa fome honewec. ⁶ Ehame Petoro e zâhec fisirâ maŋnao razirâ qoruc râpâ honewec ⁷ â qizec-ticnere foŋ moc buc bazukicne fome honewec. ⁸ Injuc eme motec âgo-ticne bâbâni zâneruŋko fisiwec eki razirâ injuc jaha honefârerâ manapaŋkewec. ⁹ Juwicnao ine jahe Jesuzi hâmockonec qârerâ fahareocte miti papiao findaŋdâŋ fowec i mi mana tarapic. ¹⁰ Eme jahe haeo mocwâc risie rapic.

Jesu e Maria Madala haeonec fuacnewec
(Mar 16:9–11)

¹¹ Eme Maria eki zâneruŋ sahaçnao domahuc kiowec; kiohuc ra motâcko okarierâ zâneruŋko fime razime ¹² aŋelo jajahec ŋaqi qaŋqaŋhec Jesure qâŋqâŋ fofotacnao ŋepire honec-jofawec, moc e qizecne fowecko â moc e kikene fowecko ŋewec. ¹³ Eme jahe mupic: “Ŋokac, go wemocte kiokomec?” Eme eki muwec: “Wofuŋ-nanere qâŋqâŋ mocko bawisepie basakopac.” ¹⁴ Injuc

murâ forisierâ Jesu jahacne honewec. Honerâ Jesu hawarine mi hone tarawec. ¹⁵ Eme Jesuzi wiocnerâ muwec: “Ŋokac, go wemocte kiokomec? Mo basakic?” Eme eki jufu runezi domakac muhuc ziŋuc âzâcnewec: “Ŋicbomboŋ-nane, goki qâŋqâŋ mocko bara râemecko mutec manarâ ra rozepac.” ¹⁶ Eme Jesuzi muwec, “Maria.” Mume e forisierâ Judadâŋko “Rabuni” muwec, nâŋâcne dâŋko qaqazu. ¹⁷ Eme Jesuzi ziŋuc âzâcnewec: “Bâua basanaŋ mi enarec. No Mamactao miŋecnea fepemu i! Go rarâ gomâfâc-nane ziŋuc jazac: Nore Mamaczi ŋoŋere Mamac, â nore Anutuzi ŋoŋere Anutu, eme erao hâcne fepemu.” ¹⁸ Eme Maria Madala haeoneczi risie rarâ motecfâcne ziŋuc jazawec: “No Wofuŋ honepe dâŋ iŋuc nazajec.”

*Motec jaŋe ficmaŋko tumaŋnehapie fua-jarewec
(Mar 16:14–18; Luk 24:36–49)*

¹⁹ Eme Sonda hae ŋafeme motec jaŋe Judanji jaŋere hâwic-jopame tumaŋnerâ ficmotâc ki bafârerâ ŋembiŋ. Ŋehapie Jesu e ŋondenjenjicko fuarâ domahuc jazawec: “Wama ŋoŋerao fozejec.” ²⁰ Iŋuc murâ mejahecne â tambaraŋne jowatuwec. Eme motec jaŋe Wofuŋ honerâ bujeŋic biankewec. ²¹ Eme harierâ jazawec: “Wama ŋoŋerao fozejec. Mamaczi no sorecnuwec iŋuc jaha noni ŋoŋe sorec-ŋopakopac.” ²² Iŋuc murâ ficnec-joparâ muwec: “Tiri Mâro ro

20:17: Heb 2:11, 12; Rom 8:29
17:18

20:20: Joh I 1:1

20:21: Joh

manj eniņ, ²³ ŋoņe ŋic sâqocne-jeņic mutâmirepie tâmire-jareocmu, mi mutâmirepie fojareocmu.”

Tomare binaj

²⁴ Motec âgo-jeņic moc zâņene Toma, zâņene moc Didimo, eki mocko juhame Jesuzi fua- jarewec. ²⁵ Eme motec âgofâcne jaņe biņedâņ ziņuc âzâcnembiņ: “Nâņe Wofuņ honembeneņ.” Iņuc mupie muwec: “No nahac zâņe jâmbâņ-nanezi menao biriņ râfu honerâ menanezi râfu bahonerâ tambaraņne bâuarâ dâņjeņic manape fârine eocmu.”

²⁶ Sonda mocwâc fuame motec jaņe Tomahec mâmâc ficko qâzuckerâ motâc ki bafârerâ ŋembiņ. Ŋehapie Jesu e ŋonden-jeņicko mocwâc fuarâ domahuc jazawec: “Wama ŋoņerao fozejec.”

²⁷ Iņuc murâ Toma âzâcnewec: “Go memotecgezi menane bahonec â mege sicnerâ tambaraņ-naneo râec, erâ manjahec mocwâc mi ehuc manasiņnuzemec.” ²⁸ Eme Tomazi muwec: “Go Wofuņ-nane â Anutu-nane.”

²⁹ Mume Jesuzi ziņuc âzâcnewec: “Go honecnukomecte manasiņnukomec, mi honecnuhuc manasiņnuenģopieņ jaņere manape zerine ekac.”

³⁰ Mâsi gâcne bocjaha Jesuzi motecfâcne jaņere zâņe faio bawec, i papia zira mi qâreņke-fârekeicne. ³¹ Qâreņkekeicne mac keczi ine ziņucte qâreņkekeicne: Ŋoņe wose manac erâ Jesu e Kristo, Anuture Ŋokâ, dâņ i mana

20:22: Fuf 2:7 **20:23:** Mat 16:19; 18:18 **20:24:** Joh 11:16; 14:5 **20:25:** Joh 19:34 **20:26:** Joh 20:19 **20:28:** Joh 1:1
20:29: Pet I 1:8

zakienzepien, erâ e jahacne manasinkehuc zâne
biñe-ticnere erâ juju sananhec enzepien.

21

Motec gâcne riqicko juhapie Jesuzi fua-jarewec

¹ Juku motec jañe Tiberia riqicko juhapie fua-jarewec. Kecziñuc ehapie fua-jarewec: ² Jumbin ine Simon Petoro, Toma, zâñene moc Didimo, Natanae e Galilaia mârenko Kana hae ñewec irec-nec, erâ Zebedaio ñokâ jahec-ticne â motecfâcne janeraonec jajahec mocwâc, ñic inuczi jumbin. ³ Ehuc Simon Petorozi ziñuc jazawec: “No qowi rozo rakopac.” Mume mumbin, “Nâñe gohec mâmâc ranan.” Inuc murâ woceo ferâ rambin. Ra juhuc ñafe ira qowi mi rombin. ⁴ Eme riqicko juhapie hae fufurecte Jesuzi mongenko domawec. Domame Jesu hawarine mi hone tarambin. ⁵ Eme Jesuzi wio-jarerâ muwec, “Motec, qowi-ñenñic moc fokac me?” Eme jañe mumbin: “Aricne.” ⁶ Mupie ziñuc jazawec: “Woke fâreopec wasan behemie qowi jowaocmu.” Mume wasan behemie qowi mâretec jâmbân jowa susuckeme fâre-bipiembin. ⁷ Eme Jesu motec bufun-ticnezi Petoro ziñuc âzâcnewec: “I Wofun ine hâcne.” Mume Wofun zâñe manarâ Simon Petoro e kamban sawa qajuwecte ñaqi-ticne faine heme hume riqicko rucnewec. ⁸ Jañe mongen heririn (100 meta irec sâc) jumbinñe motec gâcne jañe woke foickehuc wasan qowihec fâre fâre

20:31: Joh I 5:13; Rom 1:17 **21:2:** Joh 1:45 **21:4:** Joh 20:14; Luk 24:16 **21:5:** Luk 24:41 **21:6:** Luk 5:4–7 **21:7:** Joh 13:23

rambiņ. ⁹ Eme moņgeņko ferâ tiņko wiac ziņuc honembiņ: Ȝoc uucko opâ qowi â nânâ zegoc zahuc fowec. ¹⁰ Ra fisipie Jesuzi ziņuc jazawec: “Qowi rombiņ i tucne barenij.” ¹¹ Mume Simoņ Petrozi wokeo ferâ wasaņ tiņko fâreme fewec. Maņnao qowi kâcqe 153 fowec, eme sifu mi tâcnewec. ¹² Eme Jesuzi ziņuc jazawec: “Ware furic nânâ nâniņ.” Mume motec jaņe wemocko ziņuc wionzapiņ: “Go mo?” Jaņe Wofuņ ine hâcne i mana-fârembiņ. ¹³ Eme Jesuzi warerâ nânâ qowi bâtâc bahuc jarewec. ¹⁴ I Jesu e hâmockonec faharerâ motecfâcne fua-jareme jahec â moc ewec.

Jesuzi Petro jahec â moc wiocnewec

¹⁵ Furic nânâ nâpie Jesuzi Simoņ Petro ziņuc muhuc wiocnewec: “Simoņ Johanere ņokâ, âgofâcge jaņe no maņzi zâficnuengopien, go jowarurâ sâc moc zâficnuekic me?” Eme Petrozi muwec, “Wofuņ, no gore enarekac i manakomec.” Eme Jesuzi muwec: “Go lamafâc-mae soņaņ-jopazemec. ¹⁶ Inuc murâ mocwâc wiocnewec: “Simoņ Johanere ņokâ, go jâmbomac zâficnuekic?” Eme Petrozi muwec: “Wofuņ, no gore enarekac i manakomec.” Mume Jesuzi muwec: “Go lamafâc-nane jaņere soņaņ juzemec.” ¹⁷ Inuc murâ harierâ wiocnewec: “Simoņ Johanere ņokâ, go jâmbomac nore egarekac me?” Ȝâzâfictē wiocneme jahec â moc eme Petro e bune sâqoreme muwec: “Wofuņ, go wiac sasawa mana-fâreekic, no gore

21:13: Joh 6:11

21:14: Joh 20:19, 26

21:15: Joh 1:42

21:16: Pet I 5:2, 4

enarekac i wâc manakomec.” Mume Jesuzi muwec: “Go lamafâc-nane soŋaŋ-jopazemec. ¹⁸ Jâmbomac jâmbân gazape: Go ñicmotec juhuc becsahacge jomarâ hata ira me ira razo egareme rajumec. Izi juku ñicqizec erâ mege bâfeŋnetec ñic moczi becsahac joma-garerâ mi razo mucmu ira bacgu raocmu.” ¹⁹ Jesu e iŋuc muhuc Petoro hâmoc-ticnere dâŋ suŋsuŋne âzâcnewec. Hâmoc-ticne fuŋmoczi Anutu mutenkeocte manasuhuc muwec hâcne. Dâŋ iŋuc murâ ziŋuc âzâcnewec: “Ware bâjâpecnuc.”

²⁰ Eme Petoro e fotikierâ Jesu motec bufuŋ-ticnezi râpefuŋnao rame honewec. Motec e aakic lama nâmbiŋko qizec-ticne Jesure amecko fohorerâ wiocnerâ muwec: “Wofuŋ, mozi doc bacguocmu?” ²¹ Eme motec hâcne zâhec rame Petorozi honerâ Jesu wiocnerâ muwec: “Wofuŋ, motec keczi ziŋuc weniŋuc eocmu?” ²² Wiocneme Jesuzi ziŋuc âzâcnewec: “E juhame no risiepe-murâ manacnepe fokacko ere dâŋ wemocte mukomec? Go mâc bâjâpecnuc.” ²³ Eme miti mana gâcne jaŋe zâhec Johanere ziŋuc musifuck-embiŋ: “Motec e mi hâmoocmu.” Jesu e ine ere ziŋuc mi muwec: “E mi hâmoocmu.” Dâŋ ziŋuc sawa âzâcnewec: “E juhame no risiepe-murâ manacnepe fokacko ere dâŋ wemocte mukomec.”

²⁴ Motec eki hâcne wiac zi hone mana tarac eku mutaniŋkehuc papia zi qâreŋkewec. Eme nâŋe ere manaŋgopenen, dâŋticne fârine jâmbân.

21:17: Joh 13:38; 16:30 **21:18:** Mat 16:22; 26:39 **21:19:** Joh 13:36 **21:20:** Joh 13:23 **21:24:** Joh 15:27

²⁵ Eme Jesuzi wiac gâcne gâcne ewec bawec, i wemocko papiao qârenjke-fârezo. I papiao fofâreme muzac, no manape njiczi wowose tarane mi ezac.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c